

احباب هاني

كلام فاضلي!

كلام فاضي

رحاب هاني

أدب ساخر

اسم الكتاب : كلام فاضي

المؤلف : رحاب هاني

مراجعة لغوية وتنسيق داخلي : سارة صلاح

تصميم الغلاف : محمد عبد القوي مصيلحي

رقم الإيداع : 17978/2017

الترقيم الدولي : 978-977-6471-27-6

رقم الطبعة : الطبعة الثانية / 2014

مسئير النشر	مسئير التوزيع
فتحي المزين 01282288058	منال المزين 01270982908

book-spring.com

بلان
للنشر
والتوزيع

جميع الحقوق محفوظة للنشر

وأي اقتباس أو تقليد، أو إعادة طبع أو نشر دون موافقة كتابية
يعرض صاحبه للمساءلة القانونية، والآراء والمادة الواردة
وحقوق الملكية الفكرية بالكتاب خاصة بالكاتب فقط لا غير.

العنوان : شارع التحرير بالدقي، بجوار محطة مترو البحوث، الدور 19، شقة رقم 2002.

البريد الإلكتروني :

layanpub@gmail.com-layanpub@yahoo.com

بلان
للنشر
والتوزيع

الإهداء

عايزين متي إهداء!

كل كتاب لازم يبقي فيه إهداء: طب افرض إن أنا مش عايزة اهديه
لحد.. محدقه في الملكوت كده!

أصل ثواني حوار الإهداء ده صعب جدًا..

يعني اكتب إهداء لمن؟

للغالية "أمي" -الله يرحمها- ..

اكتب إهداء عن إحساسي بوجع أنها مش معايا ولا جنبي عشان
أشوف الفرحة في عينها وهي بتقرأ إهدائي لها!

ولأ اهديه لأمي الثانية -نانا جدتي العزيزة- اللي بالنسبالي هي نبض
قلبي وروحي!

ولأ ابو رحاب اللي تعب عشان يخليني إنسانة عليها القيمة!

ولأ جدي العزيز -الله يرحمه- إلهي هيفضل قدوة لي في حُسن الخلق
والإيمان!

ولا رفيقة الروح والقلب "الخليل": دينا ماهر اللي لو الكلام كله
انكتب وخلص مايوصفش غلاوتها!

ولأ صحابي اللي واقفين جنبي ومستحلمين "أفورتى"!

ولأ الناس اللي ما اعرفهمش وبيبعولي يقولولي انهم بيحبوني لله كده
في لله عشان احسن ان ربنا بيعوْضني عن أُمي بحب. ساعات كتير بحس
انه كتير علي!

أهدي الكتاب ده لمن من دول ؟

أهديه لكل دول؟

كتير قوي.. وعشان كده مافيش إهداء!

مُقدِّمات

أكثر من حد سألني "هو انت بتجيب الكلام ده منين -في إشارة
للنظريات والكلام الفاضي" اللي انا بكتبه-؟" وبغض النظر إن الكتابة
نعمة من عند ربنا وغالبًا حب للكارتون -الفواكه بالذات- اللي نمت عندي
جس الخيال الواسع.. قوي!

بس انا هقولكم المفاجأة اللي أصعب من إن البطلة تبقي بنت
الشغالة.. والتي تتلخص في:

"إني انا أصلًا كل دول"!!

أيوووون، أنا في جتة من كل شخصية بكتب عنها.. عشان كده يمكن
بكتب عنها كأني عرفاها!!!!

أنا عندي نفس المشاكل ونفس العُقد ونفس الأسئلة.. الفكرة بس اني
بسألها بصوت أعلى ويحاول اشاركها معاكم لعل وعسي حد فينا يعرف
يستفيد أو يلاقيها إجابة تنشتلنا من المتاهة دي!!

أنا مش ناصحة زي ما البعض فاكتر ولا *** زي ما البعض الآخر
فاكر.. نتلم ونحترم بعضشينا شويه-

مشكلتي بس اني فهمت بدري حاجات كنت المفروض افهمها في النص
التاني من عمري..

* * *

لما يكتب حاجة بيبيقي في فكرة في دماغي عايزة اوصلهلكم من خلال
الطريقة والحكي.. لو انت قدرت توصل للمعنى البعيد-التورية يعني- يا
سلام يا سلام ده ولا في الأحلام.. ولو بس ضحكتك على الكلام من غير
تورية وتفكير كتير هقولك-عني الضحكاية عليبيبي- حد طابل يضحك يا
جدع!!!

ولو ماعجبتكش هقولك "يا عم صلي دي أذواق، اختلاف الرأي لا
يفسد للمهلبية قضية"!!

أنا مش بقولك انا يكتب كلام هادف والبوسة ضمن السياق
الدرامي.. أنا بقولك أنا بعيش حياتي بتجارها وقصصها واتمنى انه من
خلال قصصي وتجاري تلاقى انت جزء من حياتك.. تضحك معايا علها..

أو تفكر معايا فيها ..!

(السقوط في فُنطاس الذات)

كل اما الواحد بيكبر بيتأكد أكثر إن اعترافه بعيوبه. إن اعترافه
بوجودها واعترافه بأخطاء ارتكها في حياته حقيقة لا بد منها!

لأن من غير العيوب ومن غير الأخطاء عمري ما كنت هبتي الإنسان
اللي انا عليه دلوقتي.. اللي يمكن في لحظات عندي تحفظات عليه، اللي
يمكن في لحظات بتخفق من جنانه ومن تصرفاته لكن اللي أكيد بحس في
لحظات كثير أوي بفخر بيه!!!

فخر اني قدرت اعدي لحظات صعبة أوي لحظات اما انا كنت
بتخيلها كنت بأجزم اني مستحيل اعدنها.. لكن بفضل الله عديها..

لولا الأخطاء دي ماكنتش أبداً هعرف الصح فين.. لأن المرة الأولى
ببقي خطأ وعدم وعي.. المرة الثانية ببقي "اختيار" وانا أخطائي
علمتي اختار..

وعيوبي يحاول أقبلها عشان أقبلني، انطلاقاً من مبدأ إن ما فيش حد
كامل لكن في بي آدم بيحاول يبقى أحسن.. وانا بحاول ورينا كبير!

ربيع الكتب

اعتراف

أنا بكلّ نفسي كنتو!!

لا لايك تو ماتش.. بناقشها تهراني، تعاتبني اتخانق معاها - انطلاقاً
من مبدأ روح المدرسة ودرستي وطرقتي من الفصل إلى آخره-!!
الفكرة اني اكتشفت اننا اتنين -شخصية مجنونة بتضحك على طول
بتعمل الحاجات بتلقائية مبالغ فيها وشخصية ثانية عاقلة رزينة بس
كثيية ممكن تبقى قاعدة تلاقي دموعها نزلت من غير أي سبب !!
الشخصيتين دول متعيين أوي وغالبًا ما بيتخانقوا ويشتموا بعض
كثير..

اللي بيجمع بين الاتنين "الحلم" و"الأمل".. إن الإنسانية دي تبقى
أحسن عشان هي حاسة انها ممكن تبقى أحسن.. بتلوم نفسها عشان
عايزة تعمل أكثر تتعب أكثر تشتغل أكثر.. "أكثر" والاتنين بيتنافسوا في
مسابقة "النفس الأطول"!!!

* * *

بجهم (نقطة)!

بجهم (بأفورة) ومايقدرش أتحكم في مشاعري أو الجّمها حتى ولو
على سبيل الحرص مش من الخسارة لكن من "الم" الفراق!

اعتراف

أنا متصالحة جدًا مع الخسارة بتضايق طبعًا وبزعل بس متصالحة
مع الخسارة في الحياة كجزء من الرحلة..

والخسارة هنا مش بس خسارة الأشياء لكن كمان خسارة الأشخاص
سواء برضاهم أو غضب عنهم!!

خسارة الموت

خسارة الفراق

الخسارة بشكل عام!

الفكرة بقي ان الخسارة دي لو المفروض أتعلم منها حاجة -غير إني
أبى أقوى وأشد- هي اني احاول ما تعلقش بحاجة أو بإنسان لدرجة اني
ماقدرش اكمل من غيره!!!

الأزمة -وهنا يكمن الاعتراف- اللي في الأصل اعتراف بغبائي. أنا
شخصية بتتعلق جدًا بالأشياء والأهم "الأشخاص"!

يمكن لأن خيالي واسع -أوفر- دايمًا يرسم قصص -حواديت بخلمم
فيها جزء أساسي من الرواية والأهم جزء أساسي للسعادتي!

إن الألم ما ينتهش واني افضل عايشة حياتي كلها بالمنظر ده -يغريبت
السواد- بس دي الحقيقة وعشان كده بـ "اتخض. أخاف" من حاجة
ممكن تكون صغيرة!

عيب شنيع.. لأنى ببساطة أعتقد انى المفروض تأقلمت مع أنواع
أخرى من الألم غير الألم الجسماني وأعتقد انها أنواع أصعب لكن أجي
عدد ده واتشقلب وأخاف واتوتر وأبقي زي لعبة "اليويوه"!!!

شرب الإنسان: ممكن يستحمل وجع قلبه لكن مش قادر يستحمل
ألم صداع ولا تعب!!!

المهم ان انا بسف كتافلام ٥٠ ومحتاجة أبطل!

* * *

اعتراف "مؤلم"

أنا عندي مشكلة عويصة -هي مش مشكلة واحدة يعني انا كأي
مشاكل الحمد لله :) - المهم المشكلة تتلخص في إنى مابستحملش
"الألم"!!!

لا بالمعني الحرفي للكلمة.. أنا وبعد فترة طويلة قضيتها معايا ومن
الاكتشافات اليومية اللي بكتشفها في: طلعت فالنهاية ان انا عندي ما
يسمى بال Agliophobia أو الخوف من الألم..

أنا تمام ما فيش حاجة..

بس الفكرة انى فعليًا ببجيلي "خوف" من الألم.. يعني على سبيل
المثال وليس الحصر البني آدم الطبيعى ببجيله صداع هياخد حبة
مسكن وينام أو يرتج وخلص!

انا بقى: يجيلي صداع.. أخذ ٩ حبايات مسكن "ده حرفيًا" أو يمكن
أكثر شوية وافضل قاعدة مستنياه يروح وانا عندي ضربات قلب وجو
درامي قدر-عشان اما كنت بقول انى مش طبيعية ما حدش يقاوح-!!!

نظريتي السيكوباتية تتلخص في إن بتسيطر على دماغي "فكرة": طب
لو الألم ده ما انتهاش أنا مش هقدر أعيش كده!!!

اللي هو عينيك اتعودت ع الضَّلْمَة عادي وبقيت بتمشي وتروح وتبيح
وعايش بالعكس عايش بتضحك عشان اتعودت بس الفكرة ان النور
محلني . إنت مش شايف أصلاً!!!

هرررررري.. المهم ان انا مش عارفة افرح ومحتاجة تصبرفة بقي..
هتة حشيش أي حاجة تحسسي اني فرحانة.. هو يحيي الفخراي كان
ساقف إيه في العزرا!!!!!!!؟

* * *

بعد المرور بعدة تجارب اكتشفت ان انا شخصية مايعرفش نضرح!

وعشان نكون واضحين من الأول دي حاجة لامواخذة خرة!!!
إحساس انك تعمل حاجة في حياتك.. إنجاز مثلاً وتلاقي كل اللي
حواليك "فرحانين" عشانك وانت "عاجز" عن إنك تفرح لنفسك!!!
مش كأبة بس هو كأن حد فقد الإحساس بالفرحة اللي هو مبتسم
وببضحك ويمكن تكون ضحكته صاحبة أعلى صوت بس هو مش عارف
يفرح!!

كانك فقدت حاسة من حواسك.. هتموت عشان ترجع عشان تقدر
تستطعم الحياة من جديد بس انت عاجز.. أو حاسس انك عاجز!!

صديقة عمري قالت ان الفرحة قرار.. واني لازم أخذ القرار.. بس انا
حاسة ان الموضوع أصعب من كده.. والله انا مش بتعمد اكتب حاجات
كثيية أو حاجات "خاصة" بس في لحظات بتبقي محتاج انك تعبر عن
اللي جواك وانا وسيلة تعبري هي الكتابة والكلام.. أنا غالباً أما فقدت
أمي فقدت معنى الفرحة في المطلق مش حزن خالص على فكرة انا بس
بقول حقيقة علمية مستندة على المنطق: يعني آخر مرة فرحت فيها
حسيت فعلاً معنى وطعم الفرحة كان وهي معايا وفجأة كأن حد طفى
النور!!!

اعتراف

أنا قضيت وقت طويل من حياتي بحاول اني ماعيطش قُدَام حد..
بالذات قُدَام الناس اللي انا عارفة اهم بيحيوني!!!

أنا ماعنديش أزمة مع البكاء بشكل عام لا انا بسحّ دموع يمكن على
حاجات بسيطة -فيلم حلو حنة مزكا لمست قلبي- بس الفكرة اني كنت
عارفة اني لو عِطُت على حاجة تستاهل هما هيتألموا.. هيجزنوا.. وانا
مش عايزة اكون السيب في حزنهم..

فكنت اما اكون مضايقة من حاجة أو مثلاً افكر أُمي قُدَام "نأأ"
كنت أبص في السقف، واقعد اقول لنفسي "انت مش متعيطي.. انت
كويسة.. لازم تضحكي عشان هما يضحكوا".

.. وكأني ببلع الدمعة جوايا ..

وبعدين انزل عيني.. وابتسم!

* * *

اعتراف

أنا اتعلمت مع الوقت احب "جراحي" -لا دي مش أغنية لهاني شاكرو..
لا ولا إيهاب توفيق-:

بمعنى الزمن كل يوم بيعلّم علينا.. بيؤلمنا ويسيب أثر.. يسيب
"جرح".."خدش" مكان الوجع!

أنا اتعلمت احب جراحي؛ واحب المهيم كمان.. بعهم عشان هي دي
الطريقة الوحيدة اللي هتخليني فاكرة!

فاكرة "القصة" مش الألم.. هتخليني فاكرة "السقطة"/ "الغلطة"
عشان ماكررهاش تاني.. هتخليني فاكرة أنا قُدرت أعدي إيه في الدنيا
دي!

الزمن غصبًا عننا هيجرحنا لا هنعرف نهرب ولا هو هيتهدّ ونبقي مُبل
ويبقي هو "أصبع" لو احنا ماتعلمناش من وجعنا وجراحنا!!!

* * *

هل ده معناه اني مبلة؟!

Why not

الفكرة كل الفكرة إن كلنا عندنا "تكاتنا" اللي بتبسطننا أو تضايقنا
ومحتاجه حد عارفك أوي عشان يفهم ده!

أو بالأحرى محتاج حد "عايز" يعرفك أوي عشان يفهم ده!

* * *

اعتراف غبي

أنا شخصية عقليها كبير بس عيّلة!!

تقولي ازاى أقولك ماعرفش!

يعني انا اما اتكلم وكده قد يراني/ يعتقد البعض اني عميقة ..-أنا مش
شايفه اني عميقة خالص هي الدنيا شقيلتي بس مش أكثر- المهم بغضّ
النظر عن العقل ده، أنا ممكن حاجة "تافهة" تضايقي!

يعني ممكن تقولي كلمة صغيرة اقعد افكر أنا فيها كثير -وها هي تظهر
مجددا "الأني المحللة الاستراتيجية"- بس دي الحقيقة-!

عشان كده كلمة السر اللي القريبين بيقولها عني:

"رحاب سهلة: ممكن تبقي عادي جداً لو حاجة كبيرة حصلت بس
ممكن تتضايق من حاجة صغيرة قوي!

هل ده معناه اني عيّلة؟!

ممكن

هل ده معناه اني تافهة؟!

Maybe

صديق مرة قالي:

"عارفة يا رحاب، أنا أحياناً بعمل ذنب واقول مش بعمل كده تاني
وبعدين تحصيلي حاجة وحشة - في الحياة، في الشغل - ماكنتش بضايق ولا
بزعل ..

كنت حاسس انه من الطبيعي حد يرتكب ذنب انه يتجازى على عمله
في حاجة تانية في حياته، وعشان كده ومع أي حاجة وحشة بتحصيلي
عمري ما سألت ليه ولا اشمعني.. عشان انا عارف ليه واشمعني.. هي بس
ماساة الحياة وانت عارف ان اللي انت فيه هو من صنع إيدك - بشكل
من الأشكال!"

عشان انتهى إن النفس البشرية دي هتفضل معذبة وتاهية!

* * *

اعتراف

من أهم الحاجات اللي اتعلمتها وبحاول أطبقها في حياتي..

هي إننا كلنا فينا عيوب.. كلنا!

ماحدث كامل ولا معصوم.. إحنا بنشوف الآخر من خلال نظرتنا احنا
للدنيا من "عدستنا" إحنا عدستنا اللي بتبقى مظلوبة أحياناً، مزغللة
أحياناً، مثيرة أحياناً..

بنشوف الآخر من خلال قناعتنا، عيوبنا، رغباتنا، خوفنا وبنقبله أو
نرفضه استناداً على كل ما سبق!

الفكرة بقي ان واحد من أهم مشاكلنا اننا ما بنعملش حسابنا إن
الآخر ده عدسته غير عدستنا وأفكاره غير.. وعيوبه غير وعليه من
الصعب بل من المستحيل اننا نعامله بمعاييرنا احنا!

أضعف الإيمان نحاول نفهمه..

قليلين اللي بيعرفوا يعملوا كده بيعرفوا يوسعوا العدسة عشان
يشوفوا الـ long shot.. ويفهموا!

أنا بحاول اعمل كده.. بفشل أحياناً وينجح أحياناً.. بس بحاول!

وعشان كده اتعلمت دايمًا أقول "الحمدلله" على كل وأي حاجة
الوجش قبل الطلو.. لأن دايمًا ربنا قاصدك الخير حتى لو ماكنتش
شايه أو مصدقه فلحظتها..

عشان في ناس مشاكلها ومخبتها أصعب، لا يتحملها بشر، وواقفين
بجلد بقولوا الحمدلله!

* * *

اعتراف

كلنا بنمر بمشاكل في حياتنا وكلنا بنشوف ان مشاكلنا وهمونا هي
"المنتهى"!

أنا اتعلمت ما احكمش على حد اما يحكي لي مشكلة في حياته:
ماسخفهاش أو العكس!

مشكلة قد يراها البعض بسيطة.. في النهاية بالنسبة له كبيرة ولازم
أقدر ده!

الأهم اني من خلال قصص ناس أتشرف جدًا بمعرفتهم عرفت قيمة
وجمال "الحمدلله".. فهمت معنى حقيقي للصبر على الشدائد والمخن ..

فهمت معاهم وبهم معني جديد للإيمان بأن دايمًا بعد العسر يسر..

في ناس كنت ولازلت بنهر بصبرهم وقوتهم ..

أقول ازاي ده لو جبل ما يستحملش ..

لكن كانوا كل يوم بيثبتوا انهم أهل صبر وإيمان بأن لا يصيبنا إلا ما
كتب الله ..

أنا خائفة طبعًا.. بس خوفي الأكبر كمان هو موت الآخر.. موت
القربين -ربنا يديم طول العمر والصحة-.. دايمًا بفكر اني عايزة اموت
قبل اللي بحبهم.. أنا مش عايزة أعيش فراق تاني ومش عايزة قلبي ينقهر
تاني.. أنا عايزة ما أعيشن اليوم ده!

أعتقد ان الخلاصة إني نفسي أعيش كثير. بس همًا كمان يعيشوا
كثير ولو اتحكم ان همًا ينتهوا. يبقى الأولى أنتهي أنا الأول!

* * *

اعتراف

مع كل الأحداث المؤلمة اللي الواحد بيشفوقها..

الموت اللي بقى عادي.. تروح ماتش. جامعة، تركب أتوبيس. تسافر
شرم.. مش عارف الضربة هتجلك منين وفيين يا مواطن بس توقع أي
حاجة!

لاقتني فجأة بقول: بس انا أخاف اموت على فكرة!!!

لا لا أنا مش من الشخصيات اللي بتشفوقها في أفلام الجاسوسية
ويقولك "أنا مسافر إسرائيل ومش خايف من الموت.. كله عشان
مصر"!!

على عيني وراسي مصر جدًّا.. ده احنا **** فيها.. بس انت بتكلم في
موضوع تاني، level تاني خالص.. الموت يعني تقابل وجه كريم.. إنت
مستعد وعلى الرغم من الرغبة في اللقاء- انك تتحاسب دلوقتي؟!!!

خالص.. أنا مين أصلاً عشان اقول أنا مش بخاف من الموت.. ده
سيدنا عمر نفسه قال إنه بيخشى الموت..

أجي إيه انا جنبه؟!

(روح الدنيا)

اعتراف

أنا مهووسة سينما منذ الصغر: كنت استنى يوم الجمعة بعد الصلاة
عشان أقعد اتفرج على الفيلم الأبيض واسود اللي بيعي على القناة
الأولى!

أجيب علبة الكنتاكي الديتر بوكس والكول سلو وأقعد احلم وأتخيل
حياتي فيلم: أتخيل الأبطال والأحداث والأهم أتخيل "الفيناله"
انهرت بالفكرة.. الحلم اللي مدته ٩٠ دقيقة ياخذك لأماكن عمرك ما
تتخيل انك تروحها!

وكبرت وكبر معايي حلم ان حياتي تبقى "فيلم" بتفاصيل مثيرة وأبطال
"حلويين"!

وماقدرش اقول أبداً إن الدنيا خذلتني في الجزئية دي -الحلم ده-
حياتي تنفع فيلم أوي مليانة قصص -عشان كده بعجبا إلى حد ما-: مليانة
حزن، فشل، نجاح -للحظات-، ضحك!

مؤخراً قعدت افكر انا لو صنفت "فيلمي" هيكون إيه؟!

كبداية أكيد مش للكبار فقط: ده العالم كله لازم يتفرج ويشوف
المرمطة اللي الواحد شافها!

اعتراف

أنا المزككا مهمة أوي في حياتي!

مهمة فوق الطبيعي -فوق الفطبيبيبيبع- يعني أنا أي حاجة بعملها لازم
يكونها موسيقي تصويرية!

وأهم حاجة بعملها هي الكتابة!

على سبيل المثال يعود الفضل في رسالة الماجستير بتاعتي -بعد ربنا
أكيد- إلى ذلك المدعو "Yiruma" ده مزككاتي كوري "بيانيست": "ما فيش
صفحة اتكتبت في الرسالة دي إلا والموسيقى بتاعته شغالة في الخلفية.
ولو حصل أي حاجة وقُفت نافوخي بيقف!!!

أي حاجة بكتبها هنا أو أي مقالة دايمًا في موسيقي تصويرية
"مصاحبة" للمشهد!

في عز زعلي المزككا شغالة.. في عز فرحي بغني مع المزككا اللي شغالة!

لدرجة إني أحيان كثير في أماكن مافهاش مزككا بحسها شغالة في
ودالي وبدندنها في سري!

المزككا في حياتي رفيقة درب طويل.. المزككا غالبًا هي "الروح" في
حياتي..

هي روح الدنيا!

* * *

طيب كوميدي؟!!

لا أخيفكم سرًا وأنتم ممثلوا الشعب -على الأقل بالنسبة لي- فيه
كوميديا بس مش بالدرجة اللي الناس ممكن تتخيلها!

دراما؟!!

أكيد..

إثارة؟!!

لا يخلو من البعض منها..

رعب؟!!

عيب.. موجود ..

إيه هو ده؟!!

حلقات متصلة متفصلة يعني سمك لبن تمر هندي؟!!

ماعرفتش اصنفه:

فيلم مليان قصص فيها الحزين وفيها معنى الفشل والوصول..

معنى الخسارة وهددان الضهر وبعدين صلب العود عشان نواجه
الأيام.. وعشان كده غالبًا فيلمي لا يصنف: أنا بس كل أملي انه ينتهي

نهاية من اتنين:

يا نهاية "سعيدة" ..

يا نهاية "لا تُنسى"!

!End BIG

* * *

إن الشرير عنده قصر وميسوط وإن الخير يببصوله على إنه مطل
وغالبًا على وشك الانقراض!

اكتشفت اني اتعلمت غلط واتمنيت اكون شخصية في فيلم عثمان
أعيش على الورق وعلى الشاشة من غير ما اعرف الحياة الي فاجئت.
ولي لحظات..
وجعنتي!

* * *

اعتراف

أنا شخصية بتحب السيما قوي.. قوي!

مش حب عادي لا اللي هو جنان.. اتأثرت بيها من وانا غيّلة مش
فاهمه الألف من كوز الدرة الفكرة بقي اني بقيت "بفهم" الحياة من
"السينما" وبقيت شايفة ان الدنيا هي السينما!

بقيت استني ال peak بتاع الحدث في الحياة.. بقيت صاحبة
الدخلات السينمائية والمواقف الدرامية اللي بتشوقها في الأفلام!
بقيت مؤمنة ان البطل يبفضل يحب البطلة حتى النهاية وما
يسهاش.. وان التضحيات في الحياة "حقيقة"!

إن الضحبية دي حاجة كبيرة أوي وجو سلام يا صاحبي!

إن الشرير بيتعاقب مش بس في الآخرة كمان في الدنيا.. والأهم
العلمت من السينما إن "الخير" دايمًا بيتنصر!
اتعلمت منها "الحياة" بس اللي اكتشفته اما كبرت اني عرفت "حياة"
غير "الحياة" وان الحقيقة مش كده!

إن البطل ممكن يسبب البطلة وان التضحيات من أجل الآخر دي
رفاهية وحلم!

المعاش.. وجاءت اللحظة المنتظرة وادبلوووووووووا.. غنيت غنيت
بالغرب بتاعة أصالة كمان.. عشان ألاقى الناس بتصقف وتشاور لي كده
إنه براقوا!

وبغض النظر إن التصقيف ده كان تشجيع لبنت هبله يعني. إلا إني
ومن ساعتها وأنا بعني.. بغض النظر عن النشاز!)



اعتراف

أنا طول عمري بحب الموسيقى ودأبًا دايسة في أي أغنية وأنا بعني
بعني مش بدندن مثلاً "نوووو!"

المهم وأنا في المدرسة طلع أوبريت "الحلم العربي".. وأنا زي زي ناس
كثير ساعتها كنت مهورة بيه وجبت الشريط "أيام الشرايط بقي"
وقعدت حفظت الأغنية كلها كلها.. بكل مقاطع المطربين والغرب اللي هو
هبل!

إعلان مستر المزيكا إن في حفلة هتتعمل وإن هيبقي في أوبريت الحلم
العربي وانه عايز يختار الطلبة اللي هيشاركوا.. وكانت فرصتي.. الراجل
ده أنا بعنذرله لأنني أنا زتيت زن شتيع.. اللي هو كل مكان يلاقيني في وشه
"هتطلك في بنطلونك"-الصحافة بتجري في دمي من زمان- وفي النهاية
اتقبلت وإيه كمان ادوني مقطع "أصالة" مع إني كنت راسمه على "ذكرى"
بس تمام كنت بحب كلماته!

ولمدة أسبوع بتمرّن على الجزء ده وجه يوم الحفلة وواقفين على
المسرح والمزيكا..

اللي عارف الاغنية-أصالة الجزء بتاعها بعد شويه من بدء الاغنية-
أنا كنت بهار ومتأكدة إني هتفضح فضيحة "*****" يوم طلوعه

بس الحقيقة المضينة

أحكامها ع الكل سارية"

تمام؟!!

صمت والعيال متنههههههه!

"يا زقزقات الكناريا

دنيتنا بايعة وشارية

فيينا.. وبتصبي فيينا

جروح ماضينا الدفينة

واحننا في تومة وقرنة!!"

صمت!

ببص ورايا لاقيت المستر واقف مرع إيديه ومنتعلي!

أنا: إزّي حضرتك.. هو حضرتك هنا من إمتى؟!!

المستر: من ساعة حرف الـ"ش" ما كان مسيطر على الكلام!

أنا: اه.. تمام!

المستر: انتِ حافظة الكلام ده ازاي يا بنتي؟!!

أنا: عادي كده ماعرفش!

المستر: أو مال في المذاكرة مش كده ليه؟!!

حكاية

وأندكر أيام الثانوية العامة والدروس كنا قاعدين مستنين المستر وكنا بنتكلم عن مسلسل "كناريا وشركاه" بتاع فاروق الفيشاوي: أنا بالنسبة لي الحب كله كان في التتر "علي الحجار، سيد حجاب!"

أكرر سيد حجاب: العيال كانوا عمالين يقولوا الكلام صعب جداً ولازق في بعضه ومش فهمينه!

قمت انا اتعصبت جداً ووقفت وقعدت اقولهم ليبيبيبيبيه؟!!

بصوا بالراحة "دنيا شقا.. كلنا عيشها

والخوف راعشنا.. وراعشها

ووحوشها.. طيشها ناعشها

ونافشة ريشها.. وضارية"

تمام؟!!

صمت!

أنا بصوا بالراحة "عدوة ولا صديقة؟!

يا دنيا.. دي الناس في ضيقة

أنا: لا حضرتك ده سيد حجاب..

المستر: مش فاهم!

أنا: سيد حجاب ده روح الروح لكن أنا ال statistics مش روح

الروح خالص!

المستر: اما نشوف هتبقى إيه بعد كده!

حاليًا..

أنا حابّة اطلع لمساني للمستر:((((

#وقت الانتقام

اعتراف

أهام ما كنا بلنشتغل على مشروع التخرج اخترنا موضوع للملف الخاص بالمجلة محوره هو "الأماكن الغير معروفة في مصر" بمعنى الأماكن السياحية وغيرها الحلوة في مصر والتي مايتجرش كثير بسبب العناية أو غيره: المهم كان من ضمن الأماكن دي دهب!

وفي خلال رحلة أكاد أجزم انها أكثر من مثيرة حصل موقف في النص يظل هو العالق في الأذهان إن شاء الله.. إحنا كنا اتفتنا مع ال guide - الله يمسيه بالخير بقى محمد- أسمراني كده ولافب الشمال الفلسطيني على نافوخته كان من خيرة الرجاله هناك -أيوة والله- وكذلك "عيد" وهو من الهدو اللي عارفين الطرق في الصحراء والجوده!

إحنا كنا مخططين نعد على البحر فجأة محمد قال أنا هغيرلكم الخطة واوديكم تنفروا على ال white-canyon.. أنا قلت على خيرة الله نلحق الخطف من أوله واحنا حوالي ٧ بنات لوحدينا ومتقمصين شخصية لبنى عبد العزيز في أنا حرة -مع الاعتذار للبنى طيغًا- وصلنا.. وبعدين انا مش عارفة التفت كده ورجعت أبص تاني لاقينتنا ناقصين واحدة وانا اللي هو يا خراشي!!!

البت راحت فين -نظرًا لإني برج الحمل وهو برج قيادي مقرف فكنت حاسّة بالمسؤولية كده- المهم بقرب من المجموعة لقيت قال إيه -خير

أي كلام في الحب

اعتراف سؤال

عمرك سألت نفسك انت لو في حد ممكن تفديه بروك- لو وجود أصلاً- هو مين؟!

والدك.. والدتك.. إخوانك.. حد من صحابك..

ماحدث أصلاً!!

مين هو الإنسان اللي يستاهل روح إنسان آخر؟!

كنت طول عمري بسأل نفسي السؤال ده: والإجابة كانت دائماً انه مايفيش!!

أيون.. مش أنانية أكيد، بس مايفيش حد انا افديه بحياتي ..

لكن ومع الوقت ومع "المواقف" الصعبة بقي "في"!

في اللي افديها بعمري كله من غير تردد -أو يمكن أتردد لحظات الخوف من الموت عادي يعني احنا مش حجر- بس في النهاية أنا افديها بروحي.. عشان هي "روحي"!

اللهم اجعله خير- إحنا على جبل طولته كده طول برج التجارة اللي فيجروه. وفي جبل نازل منه وعلى مدد الشوف صديقتنا نزلت: أتاري ده ال canyon وانا اللي هو تمصت شخصية الولية بتاعه snickers يا شراشي يا لهوتي يا حوستي ما انت أصلك مش حاسس ..

لحد اما لاقهم ممسكي انا الجبل وينزل الجبل.. لمن منكم يعرفني انا شخصية عندها قوبيا من حاجات كثير: (مناطق ضيقة، مرتفعة، منخفضة) انا قوبيا متحركة!!!

وعليه أنا كنت بصوت واضحك بشكل هيسيري وكان على لساني جملة واحدة "خدوا بالك من البورنيطة" -حد فيكم يسألني بورنيطة إيه أرد وأقولك والله بورنيطة اشترتها من ذهب وكانت ب ٢٥٠ ج وكنت عابرة اکتها في وصيتي-!!

للأمانة قعدوا بتلوني ساعتين -لا مش مجاملة هما ساعتين- مرار طافح!!!

وأول ما نزلت اللي هو قعدت ارقص رقصه محمد هندي في فيلم صعبي في الجامعة الأمريكية!!

وتجولنا في ال canyon اللي انا لحد انهارده بعتها واحدة من أروع تجارب حياتي.. والأهم والخلاصة اني من ساعتها بقت عندي قناعة: اني ماينفخش أخاف من حاجة.. لازم اتقلب على خوفي لأن الخوف ده ممكن يكون السبب في حرمانني من أجمل وأروع تجارب الحياة..

ولو في حاجة أزعجني فشلت في تحقيقها فبالإكيد هيكون الحوار
ده.. فشلت لأن "كان" في ناس وجودهم يعني وجودي وفشلت لأن "في"
ناس حياتي من غيرهم مالهاش معي..

وخوفي عليهم كل يوم بيزيد!

* * *

أهلي

علول عمري كان نفسي "ماحبش" حد!

والحب هنا مش قصدي علامة عاطفية لا قصدي عمومًا.. ماحبش
حد في المطلق!!

طبعًا الكلام ده للوهلة الأولى ممكن يصيبك بالاذهلال بس في
التحقيق أنا عندي منطق في الحوار ده يتخلص في إنه؛ إنت اما بتحب
حد أي حد بداية من مامتك لحد صديق أو قريب بيتحول ارتباطك بيه
وده لو انت بتعبيه فعلاً جدًا- لحالة ثابتة في حياتك.. وجوده في
الحياة معناه وجودك!

تحسن كأنك "مربوط" بيه!

وعشان كده طول عمري كنت بخاف احب حد أوي عشان كنت دايما
بفكر في "النهاية" اللي سواء أحيانًا بيكون لينا يد فيها أو القدر بيلعب
لعبته ويخطف الناس دي مننا!

كان كل أملي ماحبش حد أوي عشان ماتعذبش في كل لحظة بفكر
فيها في الدنيا دي من غيره.. ولا اتعذب بعد فراقه إذا انكبت علينا
الفراق!

عارف إمتي بفرح وازاي وإيه بيفرّحني ..
عارف حزني وشربكي فيه: همّي همّه وتعبه تعبي!
حد خد من وقته "وقت" عشان يفهمني..
بعدين يقول ما هو لو كان كل ما سبق يبقي أكيد بيحبني..
مين هيعمل كل ده عشان حد إلا لو كان بيحبه من قلبه؟

* * *

أذكر من فترة طويلة اني كنت معجبة بزميل "crush" عادي يعني (:
إعجاب صامت بتاع حنان ترك في الحب الأول!!
المهم طبعا الموضوع عندي والواحد كبر وبعني- نضج ..!!
افكرت الموضوع ده من كام يوم وقعدت اسأل نفسي ازاي أصلاً انا
فكرت أعجب بيه!!
وازاي نظرتي اتغيرت للأمور كده وازاي وازاي كتيرا!
المهم ان انا قابلت الزميل ده في قعدة أصدقاء وفي نُص الكلام قلت
"تصدق انا زمان كنت معجبة بيك!"

أنا لاقيت الناس بلمت وكله نتّح وأنا اللي هو مش فاهمة في إيه؟!
هي إيه الأزمة اني اقول اني كنت معجبة بحد؟!
-للعلم أنا مش حساه دلوقتي إطلافاً :-

بحس دايمًا ان الناس بتتصدم من كلامي بصراحة..
بتخض أوي الصراحة دي..

بس حلوة ما فيش كلام: D

ساعات بحس اني مش عايزة حد يحبني لكن عايزة حد يحس بي!
يحس لما اكون متضايقه، اما اكون بضحك أوي بس هو باصص في
عينها وعارف اني مش كويسة!

وكانت الفكرة التي هي عايزة توصلها لي أولاً: ان الحمد لله في كل الأحوال على الصورة التي ربنا خلقنا بها!

ثانياً: وده اللي اتعلمته على المدى الطويل إن مفهومي ونظرتي للجمال بشكل عام كانت نظرة قاصرة.. نظرة "طفلة".. أما كبرت عرفت ان "جمال" الروح والضحكة أجمل بكثير من "جمال" الشكل الخارجي اللي هو نسي جداً.. والأهم ان "الطفلة" دي عرفت إن الأهم هو كلمة "الحمد لله":)

* * *

اعترافات

علي فكرة انا كنت طول الوقت زمان شايفة ان شكلي وحش!
يعني كنت دايماً أقول لامي "ماما انا شكلي مش حلو.. شعري مش اصفر وعينيا مش زرقاء"

كنت دايماً بكرر الجملة دي.. وكنت عتلة غبية فاهمه الجمال غلط!
لحد ما في يوم لاقيت امي بتقولي "رحاب تيجي نلعب لعبة؟! .."

أنا: أه يا ريت!

ماما: حطّي لسانك كده هنا "من جواً بوقك يعني يبقي قابب تحت مناخيرك" ..

أنا: ماشي! ..

وفعلتها..

ماما: بصي في المراية بقي كده؟! ..

ايه رأيك يبقى شكلك كده "زي ما تكوني القرد الكبير في فيلم كوكب القرد" ولا زي ما انت؟

أنا اتخضيت.. وقعدت أقولها لا كده زي ما انا..

اعتراف

أنا مؤمنة ان الشكل والجمال نسبي جداً! إن اللي انت تشوفه حلو ممكن غيرك ما يطيقوش: أذواق!

بس مثلاً أنا شخصية واضحة مع نفسها وعليه أنا مثلاً شايفة ان انا شكلي عادي!

لطيفة ماعنديش مشكلة في شكلي في المطلق بس -في رأيي اللي ممكن يكون صادم شوية انا مش شايفة نفسي حلوة.. صبراً!

زمان الحوار ده كان كبير وكان مسيطر على تفكيرى بشكل سلمي جداً فقامت امي حكمت للمدرسة كانت قريبة مني جداً على الحوار عشان تتكلم هي معايا.. جابتي وجابتي سانديوتش هوت دوج وبيبيسي من الكانتين

رشوة - وقالتي الآتي: "بصي يا رحاب ميدنئيا من واحدة شعرها أسود ومضحية زيك وشايفة نفسها جميلة على فكرة الجمال ده نسبي جداً بس في حاجة مهمة أوي إن انت روحك حلوة أوي وابتسامتك دي بتملأ علي الأوضة الصغيرة دي كل اما تبجي تسلمي علي فرحة وسعادة لا تتوصف ودي حاجة أجمل من الجمال.. لأنها هي دي اللي هتعيش.. في يوم هتعجزى وتكرمشي بس روحك متفضل وهي اللي باقية.. بغض النظر إنك أصلاً جميلة!"

حوار دار لفترة من الوقت ماقدرش اقول اني اقتنعت بيه بالعكس الشكرة دي فضلت معايا كثير يمكن قلت مع الوقت بس لبسه موجودة وبقولها ومابخافش إطلاقاً اني اقول اني شايفة نفسي "لطيفة" مش حلوة.. بس الأهم من المعلومة السابقة إنى مع الوقت بردو حسيت أوي كلامها فهمت معناه وفهمت معنى "الابتسامة" والروح الحلوة وبفهمها كل يوم من عيون ناس بتقابلني بتريد في نفس "العيلة رحاب" ثقة!
في حد ما عرفوش بيبعتلي بقولي "أنا بضحك بسببك أو انت سبب انشكاحي!"

بحس اني أسعد بني آدم في الكون بحس اني تافهة عشان بفكر في حاجات زي دي في حين ان انا رينا -الحمدلله- اداني هبة بالنسبالي عظيمة وهي إنى أيسط الناس في المطلق..

أنا كتبت الكلام ده بسبب حاجة مهمة:

في أغلب لحظات حياتي أنا دكتورتي النفسية. أنا بتكلم معايا بصوت عالي. أنا بقول لنفسي مغاوفي ومشاكلي وأخطائي: بحاسنها وبعاتنها وبصقفلها أحياناً أما تعمل حاجة كويسة- حتى وإن كنت قاسية كثير عليها!-

بس انا بقول كل أفكارى بصوت عالي بغض النظر عن ردود أفعال الآخر أو حتى استغلاصه لفكرة خاصة عني لأن في النهاية اللي هميني هي "فكرتي" أنا "عني" أنا!

الواحد معقد "سيلفي"!

* * *

بس كل يوم كنت بشوف ابويا وهو بيتكلم عن امي بنفس الحب
والتفاصيل..

وهو بيقولني ازاى حلم بيها امبارح وكانت بتضحك!
ازاي وازاي..

ملحوظة: كنت دايمًا بحبب فكرة خصوصي في فيلم احترس من
الخط.. عمل نفسه ميت عشان يشوف الناس متعمل ايه؟!
فكرة مثيرة للشفقة لكن تستحق أن تجعلك تدرس "نفسك"!!!

* * *

اعتراف

طول عمري كنت خايفه "اتنسي"!!

مش عارفة الفكرة دي مين اللي كترها في نافوخي من وانا غيلة!!

العبال بيفكروا في أمور ألطف: أنه أجمل!!

أنا كنت بفكر اني خايفة بعد ما اموت اتنسي!

عشان كده كنت على طول بحلم اني اعمل حاجة في الدنيا دي الناس
تفضل فكراي بيها!

كنت أشوف جنازة احمد زكي -الحب الحب- وأقول يامهيه شايغه يا
نانا الست دي جاية من آخر مصر عشان تصبني عليه وهي عمرها ما
شافته ولا تعرفه بس هو حاسسها انه منها وهي عرفاه وعشان كده
جاالت!

عشان كده متفضل تقرأه الفاتحة اما تفتكره وغيرها من اللي هو
أثر فهم وحبوه بجدا!

فضلت فترة طويلة بفكر في الموضوع بس كل شوية كنت احس ان
الناس بتتنسي ده أصله حكم الحياة حتى اللي فاكرينها هينتهوا وهنتهي
ذكرانا!

ولكل حد مستغرب اني بقول مصر وحشتني: أنا مستغربة
لاستغرابك...!!

لأنها ببساطة بلدي ولازم اشتغلها: بغض النظر عن إني طفحت من
نيلها مش بس شريت: بس هنا "نانا" وهنا ابويا وصحايي.. وهنا عمر
وذكريات حلوة أوي البني آدم يبقى جاحد لو نسيها أو ما شتاقش لها!

* * *

اعتراف

أنا شخصية فعليًا صعب إبهارها.. يعني انا افكرت أول ما اوصل
ألمانيا نتحول للقروي الساذج اللي أول ما شاف عامود النور حضنه!!
لكن للأمانة ما حصلش.. -من غير شتيمة واضح ان فيه حاجة غلط-
بس عادي!

اللي هو بلد حلوة فيها مناظر جميلة نضيفة -بغض النظر عن
موضوع الشطافة ده اللي بيضبعنا- بس حلوة تمام!
منظمة.. بس اللي هو في حاجة غلط أنا حاسة ان "النظام" الأوفر ده
فيه حاجة غلط!!!

يجوز لأنني متعوده على عشوائية "الوطن" ما قدرتش افهم نظامهم
أوي بس الفكرة انك يتشوفهم وكأنهم ماشين بطريقة آلية وده شيء
عجيب!!!

باستثناء ناس اتعرفت عليهم واقدر أقول انهم بقوا أصدقاء جدًا
جدًا.. إلا إني ما قدرش أنكر ان "الروح" يا جدعان.. شوف إم العير اللي
في بلدنا بلا!!!!!! اوي ولا أخفيكم وأنتم ممثلو الشعب لكن في نهاية فيها
حاجة كده.. "حلوة" تعرفش إيه هي بقى!!

اعتراف

أنا أحيانًا بحسد الناس اللي مش عارفة!

بحسد الناس اللي ليشه بتدور عن معاني مفاهيم أو مبادئ في الحياة
بحسدهم -بالمعني الحلو-!

بحسدهم لأنني فهمت حاجات في النص الأول من عمري كان غالبًا
المفروض أكون ليشه بدور عليها!!!

فهمتها وفهمها ده عمق جوايا إحساس "التوهة" أكثر.. لأنك في
اللحظة اللي بتفهم فيها بتعرف أنك لازم تحول الفهم ده لواقع يعني لازم
تطبق الكلام ده في حياتك وإلا فهمك ليه يبقي مالوش لازمة.. وهنا تكمن
"الصعوبة" يا أصدقائي!!

في التطبيق.. تحاول تحاول على أمل إنك تكون النسخة الأفضل
منك..

بس انت ليشه مسقط حاجات ليشه مستصعب حاجات وتبقى فاهم
بس مش عارف تطبق وتنتنتنتتوه أكثر من اللي مش فاهم!

وعشان كده أنا بحسد اللي ليشه بيدور.. خليك دور ..

الجهل مريح.. مريح!

* * *

اعتراف

أنا شخصية ساذجة!!!

يعني أنا بتأثر بعاجات وبمسأل أسئلة كونية "صعبة"!!!

يعني مثلاً أما كنت مسافرة وقعدت في مكان ولقيت اتنين بيغنوا
وماحدث لا يبسمع ولا يبصتقف وهما بيغنوا ومكملين!

أنا اتضايقت: اللي هو في ناس بتتعب أوي ويتحاول أوي أوي أوي
وبتستحمل حاجات صعبة والمثال اللي ذكرته ده حاجة بسيطة جدًا لكل
النماذج اللي أنا بشوقها ويتوجع قلبي وتحسسي بالعجز وتخليني أسأل
نفسي أسئلة ساذجة على شاكلة: هي ليه الناس كلها ماتبقاش
مبسوطة?!

ليه يتعبوا ويتمرطوا!!!

يعني مافيش مانع من المرمطة عادي نثشف شوية بس في ناس مش
بتتمرطوا يا جدعان دول بيتبسطروا!!!

وأخاف أقول الكلام ده بصوت عالي لأنني بحسبها نظرة طفلة لدنيا
كبيرة مش فاهمة فيها، إن في ناس غنية وناس فقيرة، ناس عندما
الفايض، يكفي حاجة عشرة نفرهم في نقطة منه!!!

نظرة غيلة ساذجة غالبًا!

* * *

اعتراف

أحياناً بحس اني عايزة ارجع غَيِّلة ثاني.. أرجع المدرسة ثاني!
أيام ما كانت أكبر مشاكلي ان عندي cahier d'exercices - امتحان
فرنساوي- وانا مرعوبة!!!

أو إن النتيجة خلاص هتطلع وانا عارفة اني شايبة geometry والمستر
هيعلقني ويقول لماما!!!!

أقصى طموحاتي كانت اني أجيب كنتاكي -!!!!!! يووووون- وده لسبب
بسيط. أمي ماكنتش بتأكلني من برّة خالص وانا كنت بحب الكول سلو
بتاعة كنتاكي وعليه دي كانت أقصى طموحاتي "وجبة ديزر بوكس مع
كول سلو صغيرة"!!!!

ماكنتش اعرف اني هكبر والدنيا تتعقد كده.. أكبر واعرف حقايق
الحياة اللي كل يوم بتقوم مدياتي بالكف والمفروض اني اكون قدها!

ماكنتش اعرف اني هكبر والجمال يبقي ثقيل..

ماكنتش اعرف اني هكبر والدنيا كلها هتتغير ماعدا حاجة واحدة:

ولازال الكنتاكي والكول سلو قادرين على إخراجي من أسوأ حالاتي
على الإطلاق!

"أضواء الشهرة"

اعتراف

في أكثر من حد بعثلي الآتي

"بجد يا بختك أنا نفسي أبقى أنت!"

طبعاً هما مشكورين جدّاً على حيم واهتمامهم انهم بيعتولي بس انا
استغربت الجملة "نمسي أبقى أنت!"

طب تصدق ان "الانث" دي كانت في مرحلة ما في حياتها نفسها تبقى
أي حد ثاني غيرها وأكاد أجزم انها عمرها ما حلمت انها تسمع حد بيقولها
انه نفسه يبقي "هي"!!

زمان كنت بشوف ناس بردو نفسي "ابقاهم"!!

الفكرة هنا تكمن في نقطتين رئيسيتين:

النقطة الأولى: إنك في الحقيقة شايف الشخص اللي انت نفسك
تبقى هوّ ده من برّة. انت ماتعرفش هو من جوّ عامل ازاي ما تعرفش
آلامه ماتعرفش مشاكله وأحزانه ماتعرفش عيوبه اللي يمكن لو سُفّتها
بجد تقول "مستحيل ابقى كده!"

النقطة الثانية والأهم: هي الرضا.. إحنا أزمطنا في لحظات كثير من حياتنا اننا مش راضيين: قالوا زمان "ماحدثش عاجبه حاله"..

ده حقيقي ماحدثش عاجبه حاله "ماحدثش مرتاح" الفكرة اننا محتاجين نرضى.. نرضى ونحاول نصلح من أنفسنا ومن عيوبنا عشان نكون في النهاية أفضل نسخة ممكنة "مننا" مش من أي حد ثاني:)

* * *

اعتراف

مؤخرًا ناس كثير تبعثلي تقولي "انت بقيتي مشهورة، هو انا ازاي ابقى مشهور، انت بقيتي معروفة!"

ويغض النظر عن إني مش مصدقة ده إلا إن سؤالهم وتعليقاتهم خلثني أسأل نفسي "هو انا كان حلمي ابقى مشهورة أصلاً؟! هدف من أهدافي؟!"

قعدت حية حلويين افكر مع نفسي والحقيقة اني مافتكرش أبدًا اني قلت انا نفسي ابقى مشهورة: أنا الحلم الثابت الحلم اللي فضل هو مايبتغيرش كان:

نفسني اعمل حاجة تسعد الناس وتخليهم يضحكوا و"يحيوني"!!!
مع الوقت والتمحيص طلعت الحاجة دي الكتابة الساخرة والأداء:
لكن عمر الحلم ما كان الشهرة:

مامام انت بتعمل الحاجة اللي انت بتحها يبقى خلاص تفتكر هيفرق معاك شهرة ولا غيره ما انت بتعمل ما تحب (: وبعدين ثواني "فلان" ممكن يبقى مشهور وبيكتب "صباح الخير" تلاقى ٧٨ ألف لايك -مش فاهمة ازاي دي صباح الخير بس تمام يعني..

بس في النهاية ممكن يبقى مش محبوب!

الشهرة غير مقترنة بحب الناس أو إسعادهم.. والعكس صحيح: في ناس، مشى معروفة وعندها قدرة هائلة على إسعاد البشر في المطلق!!!

وعشان كده كل اما حد يسألني بقولته "أنا على باب الله المهم ان الناس بتضحك عشان ده بيسعدني!"

كل أملي اني افضل اعمل الحاجة اللي انا بعتها واني لما اموت الناس تفتكرني وتبتسم.. بس:

* * *

اعتراف

أخذت وقت طويل عشان أقول الكلام ده بصوت عالي.. أنا عندي أزمة كبيرة في أي حاجة "كويسة" بتحصلني!!!

بمعني ان انا -كان- عندي قناعة وحتى وقت قريب إني "ماستاهلش"!!!

أيون.. ترو ستوري.. هي مجموعة من العُقَد منذ الصغر مع إحساس بعدم الثقة في النفس اللي أصلاً الناس بتتصدم اما تعرف ان انا بمر بيه نظراً إن طريقة كلامي وشخصيتي قد تصدر العكس..

أنا دائماً بقول اني مش أحسن "نسخة" مني.. أنا نسخة متوسطة الصنع.. في نُسخ أفضل مني بكتير أفضل إنسانياً وأخلاقياً ودينياً.. نُسخ تستاهل بجد..

أنا ربنا بيكرمني الحمد لله في حاجات كتير في حياتي وانا مع كل حاجة كويسة بتتصدم وازهدل.. اللي هو اشمعني انا؟!

أنا مش كويسة أوي على فكرة.. أنا عندي عيوب كتير.. عقدي محتاجة كومينشن من أحمد عكاشة ويحيي الرخاوي مع بعض!!

ليه بقي انا؟!

اعتراف

أنا اكتشفت اني شخصية مابتعرفش تتعامل مع "الشُكر"!

بمعنى اما حد يشكر في أو في شغلي بتوتر وبرد ردود عجيبة!!!

يعني انا فاكرة مؤخرا حد بيقولي "انت بيتي آدم كويس يا رحاب"..
فمت رديت بمنتهى التلقائية "كويس ايه بس انا بروطة مابتفهمش
أصلا"!!!

اللي هو فعليا عقلي كان بيقول "الملافظ السعد يا عبال" وعلى
التوازي "رد انت يا حسين"!

و ده طبعا شيء لا يصدكه عقل. إن حد يُشكر فيك ده حاجة كويسة
لكن انا تلاقيني اتوترت واتلعبتك في الكلام -و ده شيء نادرا اما يحصل
أصلا- ويغض النظر عن نظرة الهطل اللي بتبقى على وشي بقعد اصدر
إحساس لنفسي خلاصته إن الناس بتجاملني اللي هو -وكما تقول دراغي
اليمن- أنا بس عايزة افهم إيه مصلحتهم انهم يجاملوكي؟!

أنا بقول انهم يجاملوني.. إنه العقل البشري السيكوباتي الغير متزن!
أنا قعدت ابحث في الموضوع ده واكتشفت -ندخل على الحته
القلشة- إن علماء النفس بيقولوا -و أكرر هما اللي بيقولوا- إن
الإحساس ده غالبا بيطلع من إحساس الشخص بعدم الثقة في النفس

أنا كتبها قبل كده وبكتها دائما "أمي" كانت شخص كويس.. شخص
كده "حلو" من برة ومن جوا.. وانا دائما بشعر ان ربنا عشان بيحبها
وعشان هي بتحبني بيحازها فيه.. وده شيء طبعا عظيم بس انا دائما
حاسه اني ماستلوش.. هي اللي كويسة مش انا!!!

وعشان كده على طول عندي الهاجس ده.. وعلى من الرغم إن إجابة
السؤال دي كانت مقنعة إلى حد ما. إلا إن السؤال دائما بيظهر من
جديد كأنه عمره ما اتجاوب عليه!!!

* * *

والتي بيتربن عليا إحساس "بالدونية" وعشان كده بنوصل للمرار الطافح ده!

أنا شايفة ان ده كلام محس بس قولت اشاركه معاكم برك انطلافاً من مبدأ الشفافية!

أعتقد اني محتاجة إعادة تأهيل بس أصل حد ملعبك سيكوباتي غير متزن عنده اضطراب ثنائي القطب ساخر سوداوي فاشخ بوقه على طول بتشكر فيه ليه؟!!!

أنا كويسة، أنا تمام مافيش حاجة.. اعتراف مالوش أي ستين لازمة أصلاً.

* * *

اعتراف

وأنا طفلة في المدرسة كان حلمي اني اكون من العيال الـ "popular" .. اللي هما معروفين ومحبوبين وهاي شلة -حالياً انا محرجة بعد هاي شلة- الفكرة بقي ان أنا ماكنتش منهم إطلاقاً! أنا -في أقصر تعريف- ماما كانت بتعملي ساندوتشات وأنا رابحة المدرسة -أظن كده الرسالة وصلت-!!!

وقضت طول فترة الدراسة معذبة اني عايزة ابقي زي العيال دول.. كنت معروفة ان دمي خفيف بس اللي هو كنت بعيدة عن الأضواء: D

وبعدين دخلت الكلية اللي كنت بحلم بيها وقلت بس فرصتي ابقي من العيال الـ "popular" .. والحمدلله اخترت أقعد في الصقوف الأمامية "وأعتقد كده برودو الرسالة وصلت!"

في الكلية الوضع اختلف كنت معروفة عشان الأولى على الدفعة أول سنة -واحنا كنا شعبية جديدة والعين عليها- وبعدين الثانية على الدفعة والطالبة المثالية.. إلخ!

كنت معروفة اني "الدحيحة"!

وقضت حلم الـ "popularity" براودني لحد اما جاتني الطفرة العقلية اللي على أثرها بدأ عقلي يفكر بشكل نقدي أكثر!

هو يعني إيه أصلاً ؟!

ليه انا عايزة ابقى "popular": ليه أصلاً أقبل اني اتصنف أو انحط تحت يافطة "العيال الروشة"/ "العيال الدحيحة"/ "العيال المنبوذة"!!!

إيه العيث ده ؟!

الدنيا أكبر من كده بكثير أكبر من مجرد مسميات وأوصاف وألقاب بنقولها: إن دلت على شيء فإنما تدل على اننا أساتذة في إصدار الأحكام على الآخر وتصنيفه وده -في رأي المتواضع- أسوأ ما يمكن أن يتصف به الإنسان!

ومن ساعتها وانا ماشية مع نفسي ما بيمنيش الناس بتصنفتي على اني ايه وازاي.. ماشية باصة قدامي عشان عارفة حلمي وعارفة بعد تجربة ن مش بالألقاب والتصنيفات "يصنع" الإنسان!

#على_باب_الله

"الزيتونة"

الشعرية البيضاء!

و انا بسرح شعري من فترة ليست بقصيرة لقيت شعراية بيضاء كده طالعه في المقدمة كأنها تعلن قيادة جيش قادم من الشعر الأبيض!

أنا كرحاب اتخضيت -مش من الشعرية أوي للأمانة لأن ومع كل اللي واحد بيشفوه ده لازم يشيب وهو عنده ١٢ سنة - لكن اللي خضني هو ما تمثله الشعره البيضاء!

ما تمثله من عمر جري. شيخوخة. إنك من الآخر كبرت وعجزت كده!!!

أنا عارفة انه لبسه والوجوده.. لكن انا وبعترافي، شخصية بتخاف من الوقت جدا.. لعله ألد أعدائي، يمكن لأني شايقة اني عايزة احقق حاجات كتير في وقت قصير. يمكن لأن الوقت مش دايمًا حليف لكن خصم!

خوفي من الشعرية البيضاء دي غالبًا هو خوفي من بكره بكل ما يحمله من مفاجآت وصددمات.. هو الخوف المرر لأن هو سبب الحياة..

* * *

الحياة من أجل غد أفضل، والغد ده عشان يجي لازم يوم يعدي من عمرك يعني لازم تكبر وتكبر معاك الشعراية البيضاء!

فزلكة عالمسا: الخلاصة انا طلعتلي شعراية بيضاء يعني ده معناه حاجة واحدة!

لازم أصبغ!

اعتراف

من فترة قريت كلام ليوسف إدريس بيوصف فيه الجيل الشاب -في وقته- بأنه يتحلى بالصدق مع النفس!

عجبي الوصف أوي!

من أعظم ما يمكن أن يتحلى به الإنسان هو انه يكون صادق مع نفسه..

عارف أو على الأقل يحاول يعرف حقيقته!

أنا دائما بقعد اكلمي ودايمًا بتكلم عن عيوي -أكيد مش من باب الفخر- لكن من باب الصدق مع النفس!!

أنا صادقة مع نفسي في الجزئية دي، عارفة مشاكلني وعارفة عيوي اللي هي كثير.. فانا أبعد ما أكون عن المثالية بس بردو أنا مش نموذج سيئ أوي!)

أنا نموذج بيحاول.. في وسط العفرتة بيحاول يصلح من نفسه وعيوبه: كتير بيفشل.. وساعات بينجح وبتحسن.. الفكرة اني بحاول

والأهم اني عمري ما حاولت اخفي أو "اجتَل" نفسي أو شخصيتي عشان
ارضي أيًا من كان!

ولما بتضايق أو احس انهم -العيوب- كثير بفتكر جملة عجبتي زمان:

"جل من لا عيب فيه!"

وادينا بنحاول على أمل (:)

* * *

(عندك أي أسئلة تانية.. تحت أمرك يا قندم)

حوار

قررت اطلب كنتاكي -وهو وسيلة مجزئة للخروج من المود الكتيب في المطلق- وكان الحوار الآتي!

كنتاكي: آلو كنتاكي يا فندم مساء الخير.

أنا: مساء النور ممكن اطلب أوردر!

كنتاكي: ثواني يا فندم البيانات تظهرلي!

حطني على ال Hold واذا بي أسمع صوت مسرع بيغي ويقول
"عشاءااa

ه دقايق عايشة انا مع "عشاءااa

كنتاكي: أسف عالتأخير يا فندم السيستم كان فيه مشكلة!

أنا-تهيدة:- ولا يهكم ..

كنتاكي: اتفضلي الأوردر!

أنا -بشكل آلي جدًا :- واحد كريسي سترس كوميو أوريجنل الخمس

قطع وسيفن دايت "كان"!

كنتاكي -يعيد الأوردر:- حضرتك تحي شيكن بوب كورن اللذيذة ؟!

يدور في ذهني السيكيوياتي المشمتر سيناريو من اثنين..

أنا: ماشي قول رقمك بسرعة كأنهم مش سامعين!

محمد: شكراً على استخدامكم شركة لينك!

وعلى كده كل يوم وديني لاجننكم يا ولاد****!

السيناريو الثاني:

الأول: في أثناء اتصالي الهاتفي اليومي بشركة لينك دوت نت وذلك للاطمئنان على مايكل لأنه ماكنش موجود امبارح اما اتصلت أسيلهم وفي نهاية المكالمة يكون الآتي:

خدمة العملاء يقول الجملة الختامية الأشهر على الإطلاق: حضرتك في أي أسئلة تانية؟!

أنا: أيوة!

خدمة العملاء: اتفضلي يا فندم!

أنا: قوئي يا محمد انت مرتبطة؟!

محمد: نعم!

أنا: مش بتقولي أسئلة تانية.. انت مرتبطة!

محمد: والله يا فندم أنا بقول ل حضرتك أسئلة بخصوص الإنترنت أو اشتراك حضرتك!

أنا: أيوة ماشي. انت مرتبطة؟

محمد: يا فندم المكالمة متسجلة.

أنا: طيب عادي كلمني على الموبايل أو هات رقمك.

محمد: يا فندم المكالمة متسجلة!

في أثناء اتصالي الهاتفي اليومي بشركة فودافون وذلك للاطمئنان على مايكل بعد ما عرفت انه ساب لينك دوت نت وجه فودافون وكالعادة برودو عشان أسيلهم الدين. وفي نهاية المكالمة يكون الآتي:

خدمة العملاء يقول الجملة الختامية الأشهر على الإطلاق: حضرتك في أي أسئلة تانية؟!

أنا: أه والنبي!

مايكل: اتفضلي يا فندم!

أنا: عندكم كول سلوه؟!

مايكل: نعم!

أنا: كول سلوه ووالتي باريكيو صوص مع الأوردر!

مايكل: أوردر إيه يا فندم احنا فودافون!

موقف (١)

أنا في البيت مافيش شبكة: منقطعة عن العالم. كلمت فودافون أكثر

من ٥ مرات وفي المرة السادسة:

خدمة العملاء: مساء الخير.

أنا: مساء الخير .

خدمة العملاء: أتشرف بحضرتك!

أنا: لا مش لازم!

خدمة العملاء: إزاي يا فندم أومال أنادي حضرتك بأيه؟!

أنا: اللي ماتسماش!

خدمة العملاء: صمت-

أنا: دلوقتي. أنا دي المرة السادسة اللي بتصل فيها عشان أنا موبايلي

الظاهر فيه انه فيه شبكة ومكتوب إن فيه 3G بس في الواقع لا حد

عارف يكلمني ولا أنا عارفة أكلم حد ومافيش إنترنت!

خدمة العملاء: أصل حضرتك الكهرياء بتقطع!

أنا: أوامرني؟!

خدمة العملاء: ما أصل في damage واحنا بنصلحه بالتعاون مع ال 3

شيكات ومرفق -مش عارف إيه-!

أنا: طيب وأنا اعمل ايه أقضها أرضي "وقت السؤال وقت الإجابة" يعني!

أنا: أيوة ما أنا عارفة ما انتوا لازم تقلبوها مطعم يا ضنايا.. كول سلوه بقي والصوص وماتنساش البيبيسي كان!

أه يا ولاد ال *****!

كل يوم من ده كل يوم!

* * *

خدمة العملاء: لا يا فندم ما هي الكهرباء بتقطع!

أنا: أه.. طب شوف يا احمد مش احمد بردو؟

خدمة العملاء: أبوة يا فندم!

أنا: ومش المكالمة دي متسجلة؟

خدمة العملاء: بالظبط يا فندم!

أنا: اقلبوها محل أدوات صحية عشان كده مش لنيندي يا

ابوممممممما!

صمت!

موقف (٢)

أبويا قعد يزن عليّ عشان نشوف العربية في البنزينه-نشوف الزيت والميه

والجو ده- أنا مستعجلة هو صمم اختلطنا واقفت!

عامل البنزينه الملقب ببشمهندز: افتحي الكابوت لو سمحتي؟!

أنا: منين؟!

عامل البنزينه الملقب ببشمهندز: أزاى يعني؟!

أنا: لا ما انا ماعرفش!

عامل البنزينه الملقب ببشمهندز-نظرة شفقة- فتحه وبهدين نظرة

سريعة ثم نظرة رعب ثم قال: سعادتك ماشية من غير زيت ولا ميه!

أنا: أؤمرني؟!

عامل البنزينه الملقب ببشمهندز: بقولك العربية كانت هتولع!!!

أنا: -صمت-

أبويا-تبريقه تنم عن اني حماره بس يتخللها نظرة انتقام وسعادة إن هو

صح-

أنا: طب إيه؟!

عامل البنزينه الملقب ببشمهندز: الرداثير مافجوش ميه!

أنا: طب انا عندي ازازة ميه معدنية تاخدها!

عامل البنزينه الملقب ببشمهندز-تنح-

أبويا-مشي بعيد كأنه بينفي تهمة عن نفسه-!

واقفة ففودافون بشحن الموبايل.. الولد customer service

بيقولي حضرتك بتشحي كثير أوي ..

أنا: لا مش عايزة أحوله خط .

الولد: حضرتك عارفة انك كسبانة معانا ١٠٠٠٠ نقطة؟!

أنا: اللي هوّ ازاي؟!

الولد: ما هو انا بقولك ليه بتشحي كثير عشان حضرتك ١٠٠٠٠ نقطة

دي ما يساوي ١٠٠٠٠ جنية يعني حضرتك اتكلمتي ب ١٠٠٠٠ ج!!!

أنا: يا حوووستي.

الولد: لا حضرتك هتكسي معانا هدية ب ٥٠٠ ج!

أنا: وال ٩٠٥٠٠ ج؟!

الولد: انظري للجانب المشرق.. انت كسبتي هدية!

أنا: خير.. شقى عمري راح على فودافون!!!

عامل البتزينة الملقب ببشمنندز -بنفس نظرة الشفقة:- لا احنا بنحط

ميه زرقاء -أو خضراء أنا مش فاكرة قالي لوئها إيه-!!

ساعة إلا ربع بيظبط في العربية وبعدين بيقولي: ممكن ثانية بصي انت

لازم بكرة تفتحي الكابوت وتفتحي هنا وتحطي شوية من الميه دي!

أنا: أحيه!

صمت!

أنا: طب بص استنى خليني أتدرب "افتح كده واحط هنا وأقفل"

عامل البتزينة الملقب ببشمنندز: اقلني بشياكة!

أنا: تصدق حلوة شياكة دي، لا كفك!

أبويا -متتح-

جميع الكتب

حُش واقفل الباب وراءك.. (ماترنيش غلط)

ربيع لكتب

في ناس عندها داء انها تقعد رجل على رجل وتصدر أحكام على خلق
الله!

في ناس ببتكلم كأن معاها صكوك رحمة من ربنا أو معاها كل العلم
اللي في الكتب...!

أنا ما بحبش الناس دي: ما عنديش خلاف معاهم في المطلق لكن
ما بحبش النموذج ده لأنه بالنسبة لي غير سوي!

على سبيل المثال: علاقة الإنسان بربنا: أنا عمري ما قلت اني أكثر
الناس إيماناً ولا تشدقت على حد باني أقوله ده صح وده غلط لأنني مش
قيّم على حد، أكيد بقول رأيي لو الدنيا شمال بس في النهاية "هي
صحيفتك فاملأها بما شئت"!

أنا بحاول اكون إنسان كويس بحاول أقرب لربنا بطريقي اللي
ماحدث له دخل فيها ولا قيم عليها..

في ناس تقولك "أصل ده مؤمن، لا ده مش مؤمن أوي بص دي
محجبة دي محترمة بص دي مش محجبة دي مش محترمة" -وعشان
اكون واضحة مش كاتبة الكلام ده عشان يطالعني حد يقولي الحجاب
فرض أو مش فرض مش دي القصة سعادتك ركز في الحوار-!!!

الفكرة اني ببقى قاعدة مبهورة بالثقة اللي بيتكلموا بها لأنه في النهاية
ازاي تقدر انت يا عبد تحكم بالإيمان على شخص أه والتاني لا!

ازاي انت يا عبد اتطلعت على قلبه؟!

أه قلبه!!!

ربنا قال

﴿لَا مَنْ أَىٰ اللَّهُ بِقَلْبٍ سَلِيمٍ﴾..

"قلب سليم" .. ربك رب قلوب وهو وحده اللي أعلم بها!

مشكلة الناس والسعادة مشكلة بسيطة!

أبوة.. بسيطة!

البعض فاكر ان السعادة متجيلة وتخبط على بابيه في يوم!

تيجي فشكل رسالة.. شخص.. فرصة!

ويعد ماتيجي عمره ماهيحبس بالألم ولا الحيرة.. مشاكله كلها بقدره
قادر هتختفي!!!

خليني أقولك "معلومة" عن السعادة وصلتلها بعد ماطلع عين اللي
جابوني وضيعت قد ما ضيعت من العمر- أنا مش كبيرة للدرجة دي بس
المهم- اكتشفت ان السعادة مش "حاجة" بنلاقها في الطريق..

السعادة "حاجة" بنصنعها في الطريق!

وكل اما يطول الوقت الا انت قاعد فيه مستني السعادة تيجي تخبط
على بابك طول ما انت بتضيع وقت من عمرك..

عيش قصتك وفي الحياة اصنع سعادتك: ابتسم. اضحك.
انشكحححححح!

ولو حد ضايحك ولأ اترق على طريقة حياتك.. بصله بابتسامه
المنتصر وسيبه وامشي لأنه مايستهلش انه بضايقك والأهم لأنك
"أصبع" ..

أصبع لأنك ببساطة فهمت اللي هو مش قادر يفهمه..

فهمت ان السعادة "اختيار" مش.. "هدف"!

مافيش سعادة مطلقة أو تعاسة مطلقة في الحياة وإنما هي التغيير
من "حالة" لحالة أخرى والمقارنة بينهم!

البي آدم اللي مَرَّ بتجارب مؤلمة في حياته هو أقدر الناس على
الإحساس بالسعادة الغامرة حين يختبرها!

والخلاصة انك تعيش.. حاول "تنشكج" في وش الدنيا الصعبة وانت
عارف انه في النهاية تتلخص حكمة الإنسانية في كلمتين.. انتظر و.. خلي
عندك أمل!

#بتعافر

أمثالنا قادرين يكملوا بس عشان عندهم يقين وأمل.. في بكرة!

إنه على الرغم من الصعوبات والقرف أكيد بكرة أحسن إن شاء الله!

أكيد لِسُهْ أيام حلوة كتير هنعيشها.. وأكيد بردو هيبقي فيها
صعوبات.

-سُنَّة الحياة في مصر- بس إيمانًا و يقينًا هما اللي هيهونوا الأيام.. خلي
دايمًا عندك يقين وأمل.. خلي عندك أمل في الله!

اتعلمت ان واحد من أهم أسلحة مواجهة الحياة هو سلاح السخرية..
العالم ده صعب، واحيانا بيكون لا يطاق ولو ماقدرتش تسخر من أمور
حياتيه كتير مش هتقدر تعدبها!

والسخرية تبدأ من الذات.. أنا ما عنديش أزمة إني أسخر من نفسي أو
اني أقول ان في مشكلة!.. أصل مين فينا كامل؟

كلنا فينا عبر كتير لكننا بنحاول ونكمل و#بتعافر.. صدقتي سلاح
"السخرية" ده أساسي خصوصًا في الظروف دي لان البديل هيكون
أمراض على شاكلة: الضغط، السكر، تصلب الشرايين ..
أحيانًا بتكون السخرية هي الدواء عشان تقدر تكمل وعشان كده تلاقي
على وشي الانشكاجهيهه البلهاء دي(:

إحنا الوقت بييجري مننا بييجري بينا.. بيضيع ويعدي من غير ما نقول
في لحظات كتير منه اللي احنا نفسنا نقوله!

لازم نعرف ان الموت حقيقة في حياتنا مش من باب كأبة لكن من باب
اننا نقدر الحياة أكثر وأكثر ونقدر الأحياء على الأرض!

نقدر اللحظة اللي لو حسينا فيها بإحساس نعيّر عنه من غير تفكير
لأنها لحظة ممكن ماتعودش من ثاني!

* * *

على فكرة جملة "عشق الجسد فاني لكن عشق الروح مالوش آخر"

أنا شايفها مهينة جداً!!!

أه وربنا ثواني: يعني انت اما تروح تقول كده لواحدة ده معناه
ببساطة "انها مش حلوة أوي بس روحها جميلة!"

الي هو نعم: تبقاش عارف دي مجاملة ولا انا بتهزأ بالنوق!!

عايز تقولها "روحك حلوة" قولها "روحك حلوة" من غير تجويد
الجزء الأول من الجملة!

"بفض النظر عن اني أكيد متفقه مع معنى الجملة!!"

* * *

لكتب

بيع

من الجيد في الحياة إنك تعرف بعض الحقائق مسبقاً!

تعرف إن الأشياء بتتغير.. الأصحاب بيتغيروا ويمكن يختلفوا.. لكن
الأهم هي حقيقة إن الحياة مابتوقفش على حد!

الحياة بتستمر.. وسواء كنت عايز تضحك، تبكي، تتجنن أو حتى
تستغرب من جنانك.. في النهاية عليك انك تاخذ أهم قرار في حياتك
وهو.. إنك تعيش حياتك بنفسك ولنفسك "مش بالمعنى الأناني" بالعكس
انت هتختار خلال الرحلة الشخصيات اللي انت عايزها تشاركك تجاربك
وحياتك!

الفكرة كلها انك ماينفعلش تقعد تبيّي حيوات الآخرين على حياتك
وتسمّي ده "حب"!

اعمل اللي انت عايز تعمله في الدنيا دي.. مافيش أسهل من اننا نقعد
نبكي على اللي راح أو نلوم فلان أو إعلان على مشاكلنا.. أو على فعل عملوه
أو ماعملهموش.. مافيش أسهل من اننا نلاقي حد نلومه لكنه في النهاية ده
وقت ضايع من عمرك انت.. حياتك انت!

و عشان كده "خليك موجود".. عيش اللحظات والتجارب دي.. عيش
حياتك لأن هي اللحظات دي اللي هتخلقك "قصة" تستاهل انها في يوم
تنحكي!

إحنا عايشين في عالمنا الخاص . إحنا بنتخيل الحياة اللي "المفروض"
نعيشها وبعدين نتصدم من "واقع" الحياة اللي إحنا عايشينه!

بتجري ورا الفرصة بس هي "مادة" حبتين، بتعلم بقصة الحب
الرومانسية بس هي واضح انها مش بتعلم بيانا، بنضيع وسط طموحاتنا
العريضة البعيدة وبنحاول "نتغاضى" عن أحلام عارفين اننا مش
هنعرف نكمل من غيرها بس وعشان وللأسف -قلة الحيلة- بنتناسي!

إحنا عايشين في دنيتنا مش في الدنيا وهي دي المشكلة.. إحنا مركزين
زيادة عن اللزوم لدرجة أننا مش عايشين.. إحنا "متربصين"!!!

"متربصين" للفرصة، للحلم.. للحب!

وعشان كده "مايبحصلش" .. لأنّي أعتقد انك في اللحظة اللي هتبطل
فيها "تستتي" ساعتها بس الفرصة هتيجي والحلم هيتحقق والقصة
هتكمل.. ساعتها بس -أعتقد- ان الحلم هيعلم بيبك هو كمان!

أصعب حاجة في الدنيا انك تفقد شخص عزيز عليك.. ولو الشخص ده والدك أو والدتك الموضوع بيتحول لحالة من "الحزن" المستمرة اللي بتقطعها لحظات من "الابتسام" وليست حتى "السعادة"!

حالة مثيرة للشفقة -للأسف- لأنك بتحس كأنك بقيت ورقة شجرة مرمية على الأرض. أبوك وأمك كانوا هما الشجرة اللي مثبتين وجودك في الدنيا.. اللي مهما كان الهواء عاصف يبفضلوا متمسكين بيك بقوة لأنك انت -ورقة الشجر- هي اللي مداياهم معنى وهما اللي مديتك الحياة والاستمرار!

ربنا يخلي لكل واحد أهله ويرحم موتانا جميعاً يا رب!

* * *

الواحد طول ما هو ماشي في الدنيا دي بيتكعيل وبيقع: في اللي الوقعة بتكسرده وفي اللي بيقوم ويكمل مع بعض الألم وفي الجيلة اللي مايبحسش -ده عظيم واحب من مكاني هذا أحبيته-!!

الفكرة اننا عمرنا ما هنقدر نمنع الدنيا انها تكسرتنا عمرنا ما هنقدر نمنع "الوحش" انه يحصل.. أنا -الحمدلله- حصلتلي مواقف سيئة كتير.. مواقف أكاد أجزم انها غيرت حياتي عرفت معنى خسارة الضهر وفهمت معنى ارتباط بقاءك حيًا ببقاء "آخر" على قيد الحياة!!!

بس اللي فهمته اللي عرفته برود اني دايماً وعلى الرغم من كلاشهاية الجملة:

أجد "الكويس" حتى في "الوحش"!!!

اتعلمت ان دايماً ربنا له حكمة في أي حاجة تحصلك سواء كانت كويسة أو وحشة.. وانه مهما كان ألمك ومهما كان ضيقك دلوقتي من الحاجة دي: انت بعدين.. قدام هتعرف انها حصلت لسبب ما والسبب ده هو اللي خلاك دلوقتي "أحسن".." خلاك "كويس".." خلاك أقوى.. أشجع.. أقدر انك تواجه الدنيا بقلب جامد!

* * *

اعتراف

اللي شاف حاجات وحشة في حياته.. حاجات صعبة.. الدنيا بهون في عينيه!

يعني اما واحد يختبر الخسارة في مواجهة الموت لأعز وأغلى الناس أي حاجة بعد كده بهون.. أي حاجة تانية بتبق "دق" طبول على الراس!

ما انكرش اني ممكن أتضايق من حاجة أو أزعل من فشل أو خسارة لكن الحمد لله بعدها.. بعدها عشان عرفت ان في الدنيا في خسارة أكبر وأعظم وزعل ووجع أكبر من مجرد "فلان بيتكلم عليه من ورا ضهري، أو صاحبتني ماجتتش الخروجة"!!!!

أما تبقي عارف ان الدنيا مش متقف على حد، وان الدنيا متكمل عادي حتي وان كانت بغصبة وألم..

هتكيل..

ساعتها متعرف ان كله بهون..

إن كله بيعدي..

لو الموت عدى يبقى أي حاجة..

أي حاجة هتعدي!

هل تعلم إن "التعود" حوار كبير؟

أينعم..

إحنا بنتعود على الألم من كثره..

بنتعود على البُعد من طوله..

بنتعود على الخيانة من تكرارها..

بنتعود على الكذب من شيوعه..

بنتعود على حاجات كتير عشان كده في التَّعود -أحيانًا- نعمة..

نعمة انك ما بتتصدمش أوي في كل ما سبق..

عشان ببساطة انت "متعود"!

اعتراف

أما كل حد يبدأ الحوار معاك -ومهما اختلفت الصيغة- بـ "انت عامل إيه؟" بقيت الإجابة -مع الالتزام بنفس الصيغة- "الحمدلله كويس".. حتى لو مش كويس.. انت بتقول انك "تمام"!

أحياناً كثير يبقى نفسي حد يسألها لي بجد مش بشكل ميكانيكي كيداية لحوار روتيني!

عارف أما حتى صوتك يكون بيناكف الدمعة ومش مبينها لي بتكلمه على الرغم انك بقالك ساعات بتيكي لوحدك!

عارف أما تكون "مدرك" إن حواليك حب غير مشروط بس للأسف قلبك مش قادر "يحمسه" -لعييب فيك مش في الناس أكيد-!

عارف أما تبقى عايز تهرب بس كل أما تيجي تمشي تلاقى رجلك متسلسلة في المكان..!

عارف أما تحس بنغزة في قلبك مش فاهم إيه سببها؛ يا ترى حنين ولأ خوف ولأ أمل.. ولا جرس بيقولك مش قادر أكمل؟!

عارف كل ما سبق ده؟!

أنا عارفاه..

وغصبًا عنه وبمشقة بضحك وبطلعله لساني.. على أمل..!

كذاب اللي يقولك أنا ما بختافش من حاجة!

كذاب لأن كلنا بنخاف كلنا بنخاف غصبًا عننا.. حتى لو ما اعترفناش بخوفنا ده.. إحنا بنخاف!

بنخاف من الخسارة

بنخاف من الفشل

بنخاف من المستقبل

بنخاف من الفراق

بنخاف من الموت

حياتنا كلها خوف "مقنع" بمسميات تانية بس هو في النهاية "خوف"!

خوف على بكرة ومن بكرة..!

الفكرة والمعضلة تكمن في إن الخوف لجام لو سينبناه هيسيطر علينا ويخلينا متحججين في أماكنا "نخطي خطوة لا نتوه أو يحصل المقدر!

الفكرة والمعضلة اننا نفهم ان "المقدر" ده هو ببساطة "الحياة" اللي

حتى الخوف ما يقدرش يقف قصادها..

وعليه وبما انها أمر واقع حدوثه يبقى نعيش طول ما فينا أنفاس
نعيش.. نحاول ننسى / نتناسى خوفنا عشان نقدر على "الحياة".. نقدر
على "بكرة"!

الخوف

الخوف جزء من حياتنا لدرجة ان احنا بنقضي عمرنا كله واحنا
خايفين! .. خايف تخسر حلمك. خايف تقع وانت ماشي في طريق حياتك.
خايف تخسر صديق/ حبيب / أو شخص عزيز عليك! .. خايف من
الحياة وبكره.. خايف من إن السعادة ما تعرفش طريقك.. خايف من
اليوم اللي فيه ""الأمل"" جواك يموت.. بقينا من كُتر خوفنا بنفكر في
نهايات الأشياء قبل حتى ما نبتديها!.. لو الخوف علمني حاجة متكون اني
اكون أشجع. علمني أقول اللي انا بفكر فيه ومقتنعة بيه من غير تردد.
إني أعيش لحظة في الحياة وانا بضحك من قلبي من غير ما افكر في
تهايها لأنها ببساطة ممكن تتعوضش.. اني اعبر عن حيي للناس اللي
حواليّ لأني ممكن بكره مايقاش موجودة..

واني احلم وانا متأكدة إن الحاجة الوحيدة اللي ممكن تخلي حلمي
مستحيل هي #الخوف..!

الشجاعة عمرها ما كانت "عدم الخوف".. بالعكس الشجاعة هي الخوف!!!

إنك تكون بتحب حاجة في حياتك.. في الدنيا وبتخاف عليها هي قمة الشجاعة.. لأنك اخترت بإرادتك الحرة أنك تعيش وتجاوز بقلبك وبالأشياء اللي انت بتحبها عشان تحقق أحلامك وأمالك..

شجاعتك هي في الحقيقة اعترافك بالخوف بس اعترافك بردو إن في حاجات "أهم" و"أقوى" من الخوف..

مع الوقت اكتشفت ان الانتظار في حياة الإنسان حقيقة مؤكدة. مهما اختلفنا واختلفت اهتماماتنا ومبادئنا وحياتنا!.. الانتظار ثابت فينا ما بيتغيرش، دايماً هتلاقك: مستني فرصة، مستني حد يغير حياتك، مستني حب العمر. مستني الجلم يتحقق، مستني السعادة تعرف طريقك، مستني تعيش بجد. مستني تموت!.. دايماً مستني حاجة ودماغك بترصد كل الاحتمالات مع كل دقيقة انتظار بتعدي وبعدي معاها العمر!.. و مهما قلنا خلاص مش هنستني هنعيش ومش هنضيق حياتنا واحنا مستنيين ""حاجة""!.. تلاقي الصوت اللي دايماً يقولك طب ما تستنى شوية كمان: يمكن ""يحصل"" ونرجع ثاني في ""انتظار!..""

الإنسان حتى وهو في أسعد لحظاته يبحث بنوع من التعاسة جواه وده من خوفه من المجهول، من بكرة، من اللحظة الجاي لا تحرمه من السعادة اللي هو فيها!

عشان كده الإنسان دايماً يمتي نفسه بالأمل في بكرة والي ماغندوش الأمل ده بيحاول يخلقه ويُبص على بكرة من أجمل زاوية فيه!

غالبًا نفس النتيجة إن أي حد يحس بأي حد ويتسألوا سؤالكم
"المشروع": يا ترى ميجس / متهجس بي إمتى؟!

ماسبق مجرد أسباب وتماذج نقدر نلخص بيها بعض من حوارات
الارتباط فيما يتعلق بجيلنا..

والإجابة واحدة لكل الأسئلة المشروعة اللي فوق..

إجابة حتمية:

جب وخلص.. حب لو لقيت الحب في المطلق.. خدنا إيه من العقل
والفكر غير وجع القلب والمشقة؟!

جب لأن الحب هو الحاجة الوحيدة في حياتنا اللي هبة.. هبة لو
ضاعت منك مش متعرف تلاقي غيرها!

جب وماتخافش من الفشل..

جب وعيش القصة بكل ما فيها من جمال ووجع..

جب لأن الحب.. فرصة!

أزمة جيلنا فيما يتعلق بالعلاقات العاطفية نقدر نلخصها في الآتي
مع الأخذ في الاعتبار ان مش دي اكيد كل الأسباب لكن أبرزهم:-

١- الخوف من الارتباط في المطلق: في ناس بتحب وبتحب الحب بس
خايفه.. من إيه؟!

ماتقدرش تقول بالظبط، في اللي مش مؤمن انه ممكن يكون في حاجة
اسمها حب لآخر العمر: إزاي تفضل تحب نفس الشخص اللي باقي من
عمرك؟!

بغض النظر عن اتفاقنا أو اختلافنا معاهم إلا انه سؤال مشروع!

٢- الخوف من الفشل: في اللي خايف يفشل.. اللي ممكن يكون ما
اتوقفش في علاقة قبل كده وحاسس ان دخوله أي علاقة بعدها هيكون
مصيره نفس المصير الفاشل!

ماتقدرش تلومه لو ما اتحطتش في مكانه قبل كده لأنه ببساطة
بيسأل سؤاله "المشروع": وانا إيه اللي يضممني اني مش هفشل ثاني؟!

٣- ليشه بدرى: في اللي شايف -ودول اغلبيهم بنات- انه ليشه بدرى على
الكلام ده.. هي مش مقتنعه انها تقدر تشيل مسؤولية بيت وأسرة..
شايفه انها محتاجة تستمع بحياتها. شايفه انه ممكن ترتبط بس ليشه
بدرى على خطوة الجواز: لأنها بتسأل سؤالها "المشروع": وانا اقدر
أشيل مسؤولية بيت وأسرة؟!

٤- الدوارية: دي جميلة انت بتحب حد مش حاسس بيك في حين في
حد بيجبك انت مش حاسس بيه وكلكم بتلفوا في نفس الدوارية ومستنين

من أهم مشكلات العلاقات العاطفية -في رأبي- حالياً هي "الضباغ"!
بمعنى أن البنت بتدخل في علاقة حب وتبدأ تختفي في العلاقة دي
-أكيد مش بعمم بس للأسف بيحصل- تختفي شخصيتها في وسط
قرارات البعض منها مش لها لكن للطرف الأخر!
يتناقشوا وفي الأخر يقولها "اعلمي كده" وهي عشان بتحبه "بتعمل
كده"!

أنا هنا مش في موقع لتقييم الـ "كده" ده هو الصح ولا.. ولا انا ضد
المشاركة ما هو في النهاية "احنا سوا" أنا اللي بتكلم فيه إن القرار اللي
المفروض يكون نابع منها هي في موضوع بخصها هي الحقيقة مش قرارها
ده قراره وكل يوم بيتكرر فيه الموقف ده بتضيع هي في العلاقة.. بتضيع
شخصيتها واستقلاليتها!

وعشان كده تلاقي أغنيات حلوة زي بتاعة دنيا سمير غانم اللي تقولك
لبليس على كيفه وعملت بلوك لصحابي الولاد من على القيس بوك!!!

كوتي انتِ بأفكارك وقناعاتك ومبادئك واللي يحبك على كده وللي
يحبك وهو عارف ان ليكي شخصيتك.. أهلاً سهلاً واللي مايحبش ممكن
بسمع دنيا سمير غانم!

* * *

عارف اللي بيعحب بنص قلبه!

اللي نص قلبه بيقوله حاجة والنص الثاني بيقوله عكسها!

نُص قلبه فاهم الحكاية والنُص الثاني بيستهبل!

نُص قلبه واثق والنُص الثاني بيقاوح!

نُص قلبه عايز وقت.. محتاج وقت!

أما النُص الثاني يزيقه ويقوله يلاً ده اليوم اللي بيعدي ما يرجعش!

وما بين النصف والنصف..

قاعد هو مستي "أي نص" فهم هينتصر!

* * *

اعتراف

مع الوقت فهمت ان مافيش حد هيحكك قد "نفسك"!
في أنواع من الحب غير المشروط اللي الغرزة بتلعب دورها فيه: حب
الأم يلخص معنى وقيمة الحب ده!

غير كده- في رأيي- مافيش!

فكّر مع نفسك: مين ممكن بيديك على نفسه؟!

البعض فاهم انه اما يحب نفسه ده معناه "أنانية": مع إنه العكس
انت لو ماقدرتش تحب نفسك مش هتقدر أبدًا تحب غيرك..

طول ما انت بتبص لنفسك من فوق هتفضل مقتنع ان هي دي نظرة
الناس ليك!

وخلصتي كانت اني اتعلم اني احبني واستوعبتي..

خلصتي كانت اني افهم انه مش عيب ولا غلط اني أخذ بالي متي
وإبديها في لحظات..

ده حق نفسك عليك..

انك تحبها وتقدرها!

اعتراف

زمان.. زمان أوي كنت فاكهه ان البني آدم لازم يكون غني كده عشان
يبقى له "برستيغ"- بغض النظر اني وقفها ماكنتش فاهمة يعني ايه غني
أصلًا غير من الفرجة على مسلسل الجاوي!!-

قابلت ناس أول حاجة بتسأل عنها "معاي عربية إيه؟!"

"ساكنين فين؟!"

إلخ..

ما انكرش أبدًا اني في لحظة ممكن أكون اتخدت في التيار ده بس
الحلو اني بفوق بسرعة يومين بالكثير.. وبالنسبالي الأهم اني فهمت!

فهمت ان كل ده "بيخ".. انك عمرك بالفلوس أو بالعربية أو بالفيللا في
بالم هيلز ماهتبقى بني آدم.. مش جو اللي معاه قرش يسوى قرش
وقرشك في جيبك وجو الأفلام ده..

الفلوس مهمة أكيد بس الفلوس -فعليًا- وسيلة مش غاية!

الفلوس نعمة مش هدف!

الفلوس ممكن تلبسك لبس نظيف بس عمرها ما هتعرف تنضفك

من جوا!!!

عارف اما تقف قُدام المراية تدقق في ملامحك فترة طويلة.. مع الوقت
بتتحول تفاصيلك "عينيك، مناخيرك، بوقك" لمجرد أشكال يتوه فيها..

أشكال مالهاش معني..

أشكال ما تقدرش تحكم عليها حلوة ولا وحشة..

هيّ في النهاية مجرد أشكال تشترك فيها -انت- مع غيرك من ملايين
الملايين من البشر..

فكرت في مرة ايه اللي بيفرقني عن غيري ما انا في النهاية نفس
"الأشكال"!

ارجع بص في المراية تاني كده بس المرة دي ابتسم.. ابتسم أوي (:

هتلاقي ملامحك / شكلك كله اتغير لسبب غير معلوم..

هتلاقي وبسبب الابتسامة في انفراجة قلب بدأت تحسها..

هتلاقي الاختلاف..

ابتسم ففي النهاية:

الابتسامة "صدقة":)

الفلوس ممكن تعملك برستييج بس هيروح أول ما تروح وصدقي في
يوم هتروح!

الفلوس مهمة مافيش كلام والبعض بيعتبرها أمان وبيكتر فيها عشان
فاكر انها هتحميه في لحظة!

مع إنها مش دائمة..

مش دايم غير السيرة الحلوة..

مش دايم غير الضحكة من القلب..

مش دايم غير اللمة في أي مكان كان ..

مش فارقه انت ساكن فين ولا راكب عربية ولا هزية..

الفارق انك بتحاول تبقي إنسان كويس رغم كل الظروف..!

اللي صنعت منهم رموز بغض النظر عن اتفاقك أو اختلافك معاهم
تستحق الاحترام لأن لهم رحلة نجاح مهيرة مليئة باليأس الفشل والخوف
والأهم "النفس الطويل"!!

معلومة قد تهتم البعض!

كل الناس اللي عملوا حاجة في الحياة.. كل اللي وصلوا.. كل اللي
فضلوا.. خدوا بالجزمة، اتهدلوا، اتمرمطوووووا، شافوا أيام كرب وبأس
وخوف من بكرة..

كان بينهم وبين الفشل والخضوع للأمر الواقع "خطوة"!

وهو ده الفرق.. هي دي المعلومة:

عمرو دياب كان بينام على دكة طول اليوم عشان يروح يغني لناس
مغيبية بالليل!

فاروق الباز قالوا عليه غبي ومش فاهم حاجة!

مجدي يعقوب اتهدل عشان يبقي دكتور!

-ومن غير حجة أصل بعض النماذج دي نجحت بزّة!

كل من له نبي يصلي عليه.. الناس دي اتمرمطت بس..

والخطوة اللي كانت بينهم وبين اليأس والخضوع هي دي الفرق بينهم
وبين غيرهم كتير عابزين بنجحوا "في التو واللحظة".. الخطوة دي هي

في ناس كثير بتقول على جيلنا انه جيل "تايه".." مش عارف" هو عايز ايه!

الناس دي مع كامل احترامي لهم بيتكلموا عن جيل هُمَّا ما يعرفهوش!!!

أزمنتنا أصلاً تكمن في إننا "عارفين" احنا عايزين ايه!!

أزمنتنا ان احلامنا كبيرة أوي.. أوي

أزمنتنا بردو اننا عايزين نحقق حاجات كثير في وقت قصير -عيب أو ميزة- مش دي القصة لأنها في النهاية تلخصها كلمة واحدة "الطموح"!

في رأي المتواضع احنا جيل "طموح" بزيادة.. طموحه في كثير من الحالات بيبيقي مرتبط بجهد وعمل عشان كده "الوصول" حتمي إن شاء الله!

وفي "طموح" مغلف بنية من غير عمل حقيقي أو جهد وده: يخ!

أزمة جيلنا اننا عايزين نوصل وخايفين أوي.. خايفين من ظروف خانقة متعبة معذبة تجبر أي من كان للرضوخ ورمي الحلم في أي صفيحة زبالة: عشان كده تلاقينا عندنا حالات اكتئاب كثير، بنضحك كثير، بنأفورا!

لأننا متحملين "كثير"..

وعليه أبداً احنا مش جيل "تايه" ولا جيل "مش عارف" هو عايز ايه:

احنا جيل "شايل الحلم على ظهره وطالع جيل.. في اللي بيتكعبل وفي اللي بيطلع أكثر..

وفي النهاية نقدر نقول ان :

احنا جيل شايف الحلم في خطاه!"

الخلاصة كل الخلاصة اللي مايبقولوهلكش في المدرسة: ان الحياة هتتسرك.. ماחדش يقدر يحميك من ده وفكرة انك تعيش لوحك في العالم الخاص ببك عشان ماחדش يجرحك بردو مش حل لأن الوحدة فحد ذاتها هتتسرك!

الفكرة انك لازم تتعلم تحب وتحس!

تتعلم انك على هذه الأرض عشان تخاطر بقلبك.. عشان الحياة تتسرك.. وفي اللحظة دي.. لحظة الانكسار، الخيانة، الألم أو مرور الموت في حياتك.. تقف من تاني على رجلك وتتأمل حياتك المليئة بالانكسار والألم.. لكن اللي بردو مليئة بالحب، الصداقة، الشجاعة.. مليئة بالحياة!

وعشان كده ماتخافش هي كده كده هتتسرك المهم انك تكون أقوى

عشان تعرف وتقدر تكمل وتعاقر!

#بنعاقر

"76 مساكن شيراتون - الظاهر"

اعتراف

هُوَ اعتراف غبي عشان نكون على نور من البداية!

أنا ما عنديش ذكريات عائلية كثيرة!

يعني انا بلاقي ناس يتقعد تحكي عن مواقف وذكريات جميلة / وحشة
مع عائلاتهم..

بحس ان العائلة عزوة وظهر بجهد: بغض النظر عن خلافاتك
معاهم: همّا جنبك: سنديتك!!!

أنا الحمد لله بحب عائلتي جدّا بس انا فقدت عمودها وضرها بدري
وفقدت معاهها ذكريات كثير كانت ممكن تكون حكاياتي اللي احكها
دلوقتي!

ده شيء حزين وانا مش حابة أقوله كده لاني وعلى الرغم مما سبق
عندي ذكريات قليلة-بس حلوة- مع أعز الناس..

لكن الطمع في انهم يكونوا أكثر هو اللي دفعني اني اكتب ده.. كان
نفسي ابقي معاهها فترة أطول.. كان نفسي تشوفي دلوقتي وتشوف الدنيا
والناس!

كان نفسي ادخل الشقة اسمع ضحكها اللي بترن وتملي الكون
سعادة!

كان نفسي تتخانق معايا وتحدفني بالشبشب سنتر وانا افاديهها!!!

كان نفسي في وسط الحزن والأمل والنفسنة والخوازيق اجري عليها
عشان تاخدني في حضنها اللي بيمجي كل ده في لحظة!

كان نفسي قوي.. قوي!

بس دايمًا بقول الحمدلله ودايمًا بقول لا يصيبنا

إلا ما كتب الله لنا ..

إلا ما كتب الله لنا!

الحمدلله

اللهم ارحم موتانا وموتى المسلمين جميعًا!

اعتراف

ماقدرش اقول ان أهلي علموني حاجات كتير!!

اللي هو غرزوا أكيد مبادئ ومفاهيم جوابا أثرت فيه وفي شخصيتي
بس للأمانة عشان اكون واضحة انا الحياة في المطلق هي اللي علمتني

-هنا اتقمص شخصية المطرب الشعبي في أقوى أغنياته الدنيا
علمتني وشقليتني وخذتني من أعلى الأحباب- !!

بس دي الحقيقة التجارب الحياتية اللي عيشتها هي اللي خلقت أفكارني
ومبادئني في الحياة. الشخصيات اللي انا قابلتها هي اللي خلقتني اعرف
واقهم نماذج حية عايشة معنا وهي بردو اللي خلقتني اعرف اكتب عنهم!

بس وعشان اكون أمينة ثاني في حاجات "جهنمية" لأني علمتاني
ورشقت في نافوخي على سبيل المثال "لإن الحياة مش متديني كل حاجة.
إن انا هتعب في الدنيا عشان اوصل واني هخسر مش مرة واحدة كتير
بس الأهم اني لازم اكتبل!"

فاكرة كنت بلعب لعبة غريبة مع بنت جارتنا وكل شويه أخسر وانا
روحي مش رياضية على فكرة اتعفرت وقمت قعدت على الكنية بلعب مع
نفسني كالعادة لاقيت ماما جاية تبص علينا وبعدين بتقول مالك قولتلها
مش عايزة اللعب.. بخسر!

قالتلي: طب وأيه المشكلة ما تخسري ما ده طبيعي ولازم يحصل المهم تفكري. شوئي انت أنهي خطوة وقعت منك واعلمي الصح المرة اللي بعدها واكسي!

اتحمست.. قمت العب ثاني.. خسرت قمت ضاربة البت وجريت

!!!!!!

بعض النظر اننا من ساعتها البت مش راضية تكلمي هي وأمها

-طلعوا أعيل مبي الصراحة- الفكرة اني بعد كده عرفت ان الخسارة مش اختيار الخسارة حقيقة في حياتنا بس الأهم من الخسارة والحقيقة..

هي إن المعافرة رغم الميخن والظروف "اختيار"!!

* * *

اعتراف

أنا بنت "امي" أوي وقتها كثير:

وعليه للأمانة بحس ان ابويا مظلوم معايا!!!

أنا ما بتكلمش عنه كثير مع اني على فكرة شبهه في حاجات كتيره أوي

- ابويا يعني- بس امي كده كانت "نفحة" من الجنة. هي من أطلع ان

اكون في يوم من الأيام!!

زمان اما كان حد يقولي "هو باباكي بيشتغل ايه؟!" ما كنتش اعرف

اجاوب!!!

اللي هو اقعد الف وأدور ببساطة لأني مش عارفة. لحد طبعًا اما

كبرت وفهمت: ابويا -اللي حاليًا على المعاش- كان وكيل أول وزارة في

التضامن الاجتماعي والأهم انه كان مدير مشروع اسمه "الحد من

الفقر": المشروع ده مهمته انه يمؤل مشروعات صغيرة ومساعدات

للناس اللي عايشة في المحافظات الأكثر فقرًا في مصر "سوهاج، قنا،

المنيا، أسيوط.. إلخ"!!

ابويا كل أسبوعين كان بيسافر المحافظات دي يلف عليها كلها وعلى

الناس الفقيرة، المريضة وهكذا!!!

في قعدة صيفا مابتكررش كثير معاه لاقيتهه بيقولي: انتب عارفة يا روبي
-وهو الوحيد اللي بيقولي يا روبي وانا بسمحله عادي :) - أنا كنت باخد
بدل سفر من ٢٥٠ ل ٣٥٠ جنية عن اليوم الواحد اللي بقضيه في
المحافظات دي وانا كنت أكثر من يوم طبعاً.. كنت اعمل إيه؟!

أشيل فلوس تذكرة السفر الراج جاي على جنب والأكل كان تبع
الاستراحة فما بدفعش عليه فلوس: الباقي كله كنت لازم اوزعه على
الناس المحتاجة هناك!!

الناس مش لاقية تمن الدواء، مش لاقية الميه النظيفة، عايشين
فبيوت بالطوب الأحمر وأحياناً من غير سقف.. أي حد يقدر يساعد لازم
يساعد.. وانا كنت عارف ان على الرغم إن الفلوس دي حقي لأنها نظير
عمل انا بقوم بيه كنت بقول لا هما أولى وانا ربنا كان بيرزقي عشان
كنت بحس بالمحتاج وقدرني أكتر وأعلمك وباركلي فيكي بسبب دعوات
الناس الطيبة دي!

علة بلدنا ان اللي حاسس بالفقير يمكن مش في إيده الكنتير واللي
يملك يساعد مش حاسس أصلاً!!!

بعد الحوار ده اكتشفنا ان يمكن انا وابويا مختلفين وان يمكن فعلاً
انا بنت "أمي" زي ما بقول بس الأكيد الأكيد اني فخورة أوي ان ده والدي
وانتمى اقدر في وم اكون زته..

أعرف اذي وأساعد بقلب مفتوح!

* * *

اعترافاً

دي قصة انا مقلقة منها عشان ببساطة هي مش حكايتي "أوي" لكن
ولأن العبرة باللي بتتعلمه في النهاية من حكاياتنا أنا قررت اشاركها معاكم!

أنا جدي -والد والدتي- حد كده مبدع: خرتج أول دفعة في قسم
الاجتماع والنقد في كلية الآداب، الأول على دفعته وسافر بعنة
ليوغسلافيا وروسيا ودول كثير في أوروبا عشان يتعرف على أشكال
الفنون والنقد المختلف، من أوائل الناس اللي كتبوا مسلسلات درامية
للإذاعة المصرية لحد ما بقى وكيل وزارة الثقافة ومدير هيئة المسرح
والموسيقى والفنون الشعبية يعني كان مسئول عن كل المسارح والأوبرا
وأغلب الفنون والعروض اللي بتتعلم: من الآخر كان بيشرّب القهوة مع
يحيي شاهين الصبح ومع زكي طليمات الظهر!

رجل ذو إنجازات حياتية عظيمة تدعو "للفشخرة" بيه.. القصة بقى
ان جدي شخصية مابتعبرش عن مشاعرها للأخرين؛ يعني ما بيعرفش
يعبر عن حبه لشخص -حتى وان كان الشخص ده ابنه أو بنته-!

بعد وفاة والدتي كان أكثر حد متماسك تشوفه تقول جبل!!!

لحد ما في يوم كان بيصالي الفجر سجد ما قامش!

جتله شبه جلطة بس لحقناه الحمدلله.. لكن مع الأيام مع السنين

انزوي مع نفسه..

وشفت فيه ومعاه معنى الخسارة اللي بجدي...

شُفت معنى خسارة الضنا والقهرة.. وقهمت معاه كمان معنى حب الابنة.. والأهم حسيت بلحظات الندم اللي معبرش فيها عن حبه لها -مع اني متأكدة انها عارفة وهي كانت/لازالت أقرب اولاده لقلبه البكرية وبنت أبوها-!!

وعشان كده انا على طول بقول اللي في قلبي.. ممكن تلاقيني في لحظة كاتبة أنا "يحب" فلان / فلانة..

عشان عرفت ان اللحظة غالية

وان اللي بيروح عمره ما يرجع تاني..

في يوم بدأت رحلة بحثٍ عن بعض الأوراق المهمة الخاصة بجدي..
فتحت "الشوفنيرة" وغوصت في تلال من الأوراق.. ولدة ٤ ساعات
اتعرفت على جدي من جديد!

شُفت صورة في المسرح مع ناس عمري ما كان خيالي هيجيبهم -أنا
عارفة من حكاياته أكيد بس مش كل ده للأمانة:- ناس قمم في مجال
الفن والمسرح سواء ممثلين، كُتاب، مخرجين.. إلخ:

عشان ألخصلكم حالتي لو أي حد دخل عليه وانا بشوف الصور دي
هيبلاقيني مفنجلة فاتحة بوتي وعلى وشي تناحة رهيبية من المفاجأة!

جدي عموماً كان هو "كبير الليلة" في أي حطة وعليه حتى أمور
العمارة اللي هو وناأنا ساكنين فيها من ورق أو غيره هو اللي مسؤول عنها:
أي حد من الجيران عايز يشيل حاجة مهمة أو حد توفي وأوراقه كل ده
عند "جيبي"!

بعد ساعات طلعت بأني فُدام شخصية دقيقة جداً ومسؤولة لأبعد
الحدود.. والأهم أمينة قوي:

أمينة على حاجات ناس من سنة ١٩٥٧ "بالورقة والقلم"!!

أمينة على ورق -قد يراه البعض مالوش لازمة- لكن بالنسبة له هو
يمثل قيمة أخرى عمري ما مقدر أفهمها!!

شخصية حزنت أكثر لأني وعلى الرغم من العمر اللي بينا حسيت من
صور وورق كثير اني ماعرفهاش بالدرجة اللي كنت أتمنى اني اعرفها بها!

أكيد قصص الصور دي منه كان هيبقلها طعم تاني!

اعتراف

كل عيد كان لازم أجيب لبس العيد ..

أجيب الشنطة والجزمة وانزل عند الكوافير اعمل شعري!

احط الأكياس جنبي وانام نص تومه عشان شعري ما يبوظش ..

أسمع صوت التكبير اصحى من النجمة اجري أغسل وشي وادخل
الأوضة اللبس اللبس كله ..

ألبس حتى الجزمة واحط حاجتي في الشنطة الجديدة وأجري على
ماما أفرجها عليه بعد ما نظفت (:)

بعدها فضلت شوية شوية بنفس الروتين بس بهجته قلت .. فرحته
راحت!

هاللبس أفرج مين؟!

ربنا يخليلي ابويا ونأنا يا رب بس نظرتها لوحدها كان فيها فرحة ..

فرحة العيد!

عدت الأيام وكنت اصحى على صوت نأنا بتزعق إن جدي سہانا ونزل
لوحده يصلي العيد .. قلقانة عليه يمشي وهو في خف الريشة لحد آخر
الشارع الطويل عشان يصلي في الجامع بتاعه!

أكيد قصص الورق ده منه كنت هطلع بحاجات أكثر من مجرد كلام
مكتوب "حكايات"!

نأنا دخلت لاقنتي فارشة على الأرض في مشهد سيرالي كأي عالمة
فلك لاسعة فينتولي إيه بتعملي إيه؟!

قولتلها: شوفي يا حاجة: جوزك ده ..

كان راجل أمين على "الذكرى"!

الله يرحم موتانا جميعًا .. يا رب



موقف

نازلة الصبح قابلت جارتنا على السلم وكان الحوار الآتي:

أنا: سلامو عليكم صباح الخير حضرتك.

الجارة: مين؟! -بريشة بالعين- مش ممكن ربيبيحباب ماشاء الله كبيرتي!

أنا -من زمان حضرتك انا قريت استقبل من الحياة أصلاً- أه ظروف

حضرتك.. شكرًا!

الجارة: وعاملة ايه وأناأ عاملة إيه؟!

أنا: تمام الحمدلله

الجارة: وايه بقي؟!

أنا -ببصمة والنعمة لو معايا حشيش مايفلاش عليك بس مش

فاهماكي:- أوامري؟!

الجارة: إيه بقي؟! ما فيش حاجة كده ولا كده؟!

أنا -مبلمة:- نوننننننن يعني ولا إيه؟!

كنت أقعد اقولها انت كل عيد لازم تصحيني على نفس الخضة!!!!

هو بيحب يتزل يصبّي ويوَزّع على الناس الغلابة أول يوم.. خليه:)

ده أول عيد هيفوت عليه من غير ما اصحى على خضة..!

أول عيد هيفوت عليه من غير عيدية منه واحنا بنتناكف "ما تزودها شوية.. للللله!"

أول عيد هيفوت عليه من غير ما ادخل أقوله "كل سنة وانت طيب ادعيلي بقي ما تنساش والنبي لحسن عندي..!"

ربنا يرحم موتانا..

ويسعدنا بلقاهم في الجنة يا رب ..

الجارة -بعد أن ضحكت ضحكة رجعت السالم:- والله غسل.. نونة إيه
يا بنتي مافيش عريس كده عايزين نفرح!

أنا: أه لا والله مافيش!

الجارة: ليه كده؟!

أنا -بدأت ازهمق وتأخرت:- والله الشغل والدكتوراه ده غير انه نصيب
يا طنط نصيبيبيبيب!

الجارة: دكتوراه دكتوراه ايه بس عايزين نفرح بيكي وبعدين نصيب
ايه بس في حلاوة وطعامه كده وتتساب من غير عريس طلب مش عايزة
تفرحي نانا؟!

أنا -مبتسة ابتسامة سمجة:- لا ما انا هجيلها كحك العيد وهتفرح
قريب ان شاء الله!

الجارة: كحك ايه بس عايزين نفرح!

أنا -وانا مال أمي ماتفرحي اتفرحي على الكبير أوي - تقمصت شخصية
اللي مش طابق نفسه وبدأت احس اني هديها بأي حاجة وأنا صايمة
وجوايا أحاسيس جياشة :- أه طب بصي يا طنط انا لازم أنزل عشان كلام
في سررك رايحة أقابل واحد متكلم عليّ ماعرفوش وإن شاء الله نفرحك
قريب..!

الجارة: شفتي مش قولتلك ربنا يوقتك يا بنتي والله وشك منور!

أنا - أه يا بنت الكدابة ده انا مضروبة بالجزمة:- ماشي شكراً!

الجارة: بلأ انزلي بقي ماتسيهوش ملطوع في الشمس!

أنا - هو انا مواعده عبد الحليم على كوبري قصر النيل:- ماشي
سلامو عليكم يا طنط!

الجارة: وعليكم السلام!

أنا: ربنا يهدك!!!

الناس بتتدخل في حياة كل الناس بطريقة أوفر.. الفكرة كلها اني كنت
نازله أجييب حاجة من سوپر ماركت خير زمان اللي قدام البيت!

ثالثة و جبت فوق ال ٩٥% ودخلت الكلية اللي كانت رغبة أولى بالنسبة لي
وكمان اتعينت فيها.. لايك "سووو كيدينج مي"!

الفكرة ان هي ما عرفتش.. ما عاشتش اللحظة.. وعلى الرغم من
الكلام اللي على غرار "هي حاسة هي عارفة هي شايقة".. والا احنا بنصير
بيه أنفسنا في أحيان إلا أن الحقيقة انها "ما عاشتش" نجاحي- كما يلقيه
البعض-!!! ..

وعشان كده أي إنجاز في حياتي دائماً ناقص.. وأي فرحة دائماً
ناقصة..

ناقصة "نظرة" فخر من عتبن أغلي أنسانة في حياتي.. نظرة "امي"

* * *

(الغالية)

لاقيت ناس أعرفهم من فترة ليست بقصيرة مايعرفوش ان والدتي
متوفية.. هو مش موضوع يعني بس استغربت لاني بتكلم عنها كثير.. بس
عمرى ما قلت بصوت عالي "الله يرحمها"!!!

دايمًا بقولها في سري: بضايق اما أقولها بصوت عالي: بحس كاني
باؤكد لنفسى انها اتوفت -لائي أقنعت نفسى ومنذ أن كنت طفلة هيلة
ان امي مسافرة واني هشوقها قريب "قيلم درامي قذر"

- لمهم الفكرة انى فقدت امي في مرحلة محورية في حياتي!

يعني انا وعشان اكون صريحة معاكم كنت شخصية فاشلة جدًا
والناس كانت متوقعة -بما في ذلك ماما- انى هجيب في الثانوية العامة
٧٥% وادخل أي حاجة وغالبًا هاطلع ولا حاجة - كانوا واثقين فيه بشكل
!!- (:

للأمانة كان عندهم حق.. بغض النظر انى كنت ولازلت شايقة نفسى
ماشاء الله ذكية ولطاحة (: إلا إن نتايعى ماكنتش عاكسة الذكاء ده!!!

الفكرة ان انا والدتي اتوفت قبل حتى نتيجة سنة تانية ثانوي.. قبل
ما تعرف انى عديت المانش المتمثل في ال ٩٠%. ده انا حتى شرخت في

فضلت مش عارفة أكل سمك فترة طويلة وبعدين بدأت احاول انا
افصصه. أول مرة طلع فيه شوك كثير. ثاني مرة أقل. ثالث مرة أحسن
وهكذا لحد ما بقيت بعمله لنفسه!

في حاجات كثير أوي ما كنتش بعرف اعمالها عشان هي كانت "الترس"
اللي ممشي الماكينة بس مع الوقت اتعلمت ..

اتعلمت عشان عرفت اننا في مرحلة وغصباً عننا لازم نكبر قوي!

* * *

اعتراف

أول حاجة فكرت فيها أول ما امي اتوفت كانت " هو انا مين
ميفصصلي السمك؟! "

ده طبعا سؤال غبي ويمكن يراه البعض انه تافه بس كان بالنسبة لي
محوري!

مين ميفصصلي السمك اللي انا بعبه؟!

هي كانت بتجيبه وتجييب طبق وتقعده تفصصه وبعدين تحطهولي في
الطبق وعليه الليمون واكله انا " جاهز! "

مين ميعملي كده؟!

ماحدش!

مين هيتعب عشاني أوي كده ويقعد يبريش وهو بيدور على الشوك
عشان انا أكل براحتي وانا سعيدة ؟!

ماحدش!

بالتجربة -للأسف- بتستمر!

بس بتستمر بوجع، غصبة،

بتستمر "بالتيلة"!

اعتراف

بعد امي ما اتوفت عيشت فترة زي الزومبي "مفتحة عينيًا بس مش شايقه أوي!"

بضحك وبتكلم وكان مافيش حاجة حصلت بس في حاجة "جوايا" اتغيرت!

أما بدأت افوق سويرة بدأت رحلتي مع الخوف!

الخوف من الموت.. مش انا اللي اموت -بالعكس دي هتبقى أسهل- بس موت الآخر.. موت القريب!

كل يوم بفكر نفس الفكرة.. كل يوم خوفي يزيد!

كنت بتكلم مع صديقي عن اني عارفة ان الحياة بتستمر بعد خسارة ناس في حياتنا -سواء بسبب القدر أو الظروف- أنا عارفة ده.. فاهمة ده: بس مش مقتنعة!!

ازاي اكمل وروحي ناقصة حتة!

ازاي اكمل وضحكتي نص ضحكة!

ازاي اعيش نص حياة عشان هما كانوا بيكملوا النصف الآخر!

انا عارفة ان الحياة بتستمر..

بضحك عشان زراير البنطلون وقعت من فوق كل الأماكن الزر
اختارت تقع في عزاء امي -عشان انا اضحك

ومن ساعتها اتعلمت حاجتين:

الأولى: مابصش للناس وكلامهم.. ماسمعش احكامهم اللي بيصدروها
على الأشخاص عن جهل.

والأهم اني اتعلمت ان عمري أبداً ما احكم على طريقة بني آدم في
التعاطي مع فرجه.. والأهم حزنه!

الثانية: مالبسش بنطلون بزراير.

* * *

اعتراف

في لحظات بتعدي عليه بحس اني ماقلتش كلمة "ماما" من كثير: فكر
مع نفسك كده انك تشيل كلمة انت عارفها وحافظها من قاموسك
وتعيش عمرك كله ما بتستخدمهاش!

في سنة تانية كلية -على ما أذكر- قعدت مع نفسي نتكلم "بقالي كثير
ماقلتش ماما طب إيه خلاص انا اقعد اقولها: كنت أقف خدام المراجعة
وأقولها كثير.. أسمعني بقولها!"

طبعاً ٩٠٪ من اللي بيقرأوا الكلام ده عندهم إيمان ان انا لاهة وال
١٠٪ الباقيين هيقلشوا!

الفكرة كلها ان النبي آدم لآثم يكون قوي وهو بيواجه الحياة..
وخبطات القدر!

يكون قوي ب "إيمان" ..

أنا كنت بحاول اعمل ده بطريقي اللي ممكن تكون غريبه -حياناً
في النهاية بشكل من الأشكال بتخليني اقدر اكمل!

انا كنت قاعدة في عزاء امي مبتسمة -نظرات الناس اللي تروى ما
بين يا حرام شوف ازاي ل بصي دي بتضحك ولا كأن أمها ماتت -!! كنت

لكن ولأن ربنا دائماً له حكمة من كل حاجة يتحصل حتى لو كانت
مؤلمة وحزينة كُئلت وعشت حياتي "على مضض"!!!

لكن كان كل يوم ربنا يبرزقي بابتسامة ونعمة جديدة عشان يوريني
دايمًا ان "عمى أن تكرهوا شيئًا وهو خير لكم" عشان يوريني ان امي دي
حد كويس وانه كل يوم بيجازيني عن عملها الصالح..

وعشان كده اتعلمت دايمًا أقول "الحمدلله" على كل واي حاجة
الوحش قيل الحلو.. لأن دايمًا ربنا قاصدك الخير حتى لو ماكنتش
شايقة أو مصدقة فلحظتها.. عشان كده دايمًا "الحمدلله"

* * *

اعتراف

أنا طفلة قريبة جدًا من أمها.. يعني انا اللي يتقال عليه بنت امي.. جو
البنت يتبقى قريبة من باباها والولد من مامته ده لا ينطبق عليه بتانا!
أكد اللي هو يحب ابويا جدًا.. بس امي دي يعني هي "الحياة"
"النفس" اللي يتنفسه.. كل حاجة في حياتي مرتبطة بيها ..

أكلي شربي لبسي مدرستي أفكاري كل حاجة واي حاجة.. هي "حب
العمر".. كنت عيلة متعبة ورذلة جدًا واحيانا غثيته بس أمي دي في الآخر
هي "كل" حاجة!

و اما كنت بفكر فالموت بشكل عام زي أي طفل اميل يقوم بيص على
أهله بالليل بيتنفسوا ولا لا عمري ما كنت افكر أبدا ان امي تموت.. ألا
هو استغفر الله العظيم يعني طبعًا بس اللي هو امي انا تموت ازاي؟!

لأن المعادلة ببساطة كانت.. لو هي حصلها حاجة انا هموت.. لايك
فعلا مش هزار.. أي حد انا امي!
ثم..

وكنت مقتنعة اني هموت فعليًا.. ألا هو حتى لو كان باين عليه اني
كويسة اني متماسكة وحتة مبتسمة: أنا عارفة ان انا حياتي انتهت..
أصل ازاي تعيش من غير روحك؟!

بس لِسُه لحد النهارده بفتكر الحلم ده ويفتكوا كلامها وكل اما أشوف
دكتور مجدي يعقوب بتأثر جدًا وبفرح في نفس الوقت ان في ناس زيه
بتساعد بالشكل اللي انا كنت في وقت مقتنعة بيه بس ماقدرتش أوصله!

* * *

اعتراف

أمي كانت عيانة بمرض في القلب وانا فهمت ده وانا صغيرة أوي وكنت
كل اما أكبر شوية وحد يسألني عايزة تبقي ايه يا رحاب؟!

أرد: جراحة قلب!

فضلت اقول كده لسنتين طويلة أوي لحد اما هي قفشتني في مرة
وسألتني اشمعني يعني؟

قولتلها عشان عايزة أساعد الناس اللي عيانة زيك اخلهم أحسن..

اخلي قلمهم أحسن!

قالتلي بس انت ممكن تساعدي الناس من خلال شغلانات تانية
كثير.. احلمي وفكري وشوفي انت عايزة تبقي ايه مالكيش دعوة بيه أو
بتعني شوفي انت حلمك تبقي ايه وأبقيه!

طبعا بغض النظر ان انا كطالبة فاشلة كان من المستحيل اني ابقى
جراحة قلب مش بس عشان المجموع لكن عشان فعلاً ماكلش ده حلمي..
انا كان نفسي أساعد العيانيين اللي زي امي واخلهم أحسن بس صدقتها
والزمن اثبتني اني ممكن أساعد الناس من خلال حاجات تانية كثير!

اعتراف

أنا يعني اتعلمت حاجات على أدي من امي بس هي حاجة واحدة اللي
بحاول أحافظ عليها وأطبقها بحدأفيرا!

زمان وأول ما علمتني الصلاة كنت بنت هيلة كده فاكرها لعبة ..-
طفلة متخلفة يا جدعان عادي بتحصل..- كبرت حبة واتعلمت -على أدي
الدين- وقهمت يعني إيه ربنا ويعني إيه نكلمه وندعيه.. كنت أقعد كده في
وصلة حب ذات بنت لذيينة: ادعي لنفسي -ترجسية منذ الصغر-

"يا رب انا عايزة كنتاكي ونأنا مش راضية تأكلني من الشارع، يارب انا
عايزة لعبة الغسالة اللي شفتها في محل هنداوي اللي في المعادي وماما
قالتني إن شاء الله هتجيها.. الخ"

أمي في مرة سمعتني وبعد ما خلصت قعدتني جنبها وقالت في لحظات
حكمة بيننا لا يحكمها "الشيشب" اليمية:

بصي يا روبي -وروبي كانت حكر على أمي بس- أنا عايزة أنصعبك
بجاجة.. اما تدعي ادعي للناس كلها!

أنا: وانا مالي بالناس كلها انا بدعي ربنا عشان أجييب الاكليسير البينك
اللي انت مش عايزة تجيبولي من مكتبة عمو رفيق! -أنا غبية هناول
نعدبها طفلة طفلة..-

أنا بكتب عن امي كثير.. يعني عشان اكون دقيقة بكتب عن إحسامي
بيها لأني صعب اوصفها ، غالبًا مش هعرف اتكلم عنها أوي!!!

بس وعلى الرغم من كتابتي وكلامي عنها المستمر بطريقة أحيانًا بتغلي
البعض يحس اني بكتب أو يتكلم عن حد موجود وعائش وده الغرض
أصلاً..

لأني وبعد ما فقدتها قعدت مع نفسي كده اقتنعها انها سافرت في مكان
ما واني في يوم هسافر لها إن شاء الله!

لكن الأزمة كل الأزمة اني بخاف اقول انها وحشتني!!

بخاف عشان الكلمة دي بتوجع أوي.. وعمر ما حد هيحس بيها أد اللي
فقد عزيز -ربنا يخليلكم أهاليكم وأحبانكم يا رب-!!

بس وجع الاشتياق هو أصعب ما يمكن أن يمر به الإنسان
وخصوصا الاشتياق للألم.. الحزن الدافي، الطيبطبة، الأمان وانت جوا
حضنها كأن لا يمكن مكروه يحصلك وانت معاه.. ابتسامتها وانت داخل
عليها ،حتى زعيقها وخناقها اللي غالبًا دايماً بيكون بسبب خوفها عليك!

الاشتياق ليها ولكل ما تمثله وتعمله الأم من حب، حنان وطيبة ..

أنا بخاف اقول انها وحشتني.. وأن كل ما سبق وحشني عشان لو
قولتها بصوت عالي مش عارفة ايه ممكن يحصلي؟؟!!

وعشان كده انا امي ماوحشتنيش!!!

* * *

اعتراف

جو نتيجة الثانوية العامة دايماً بيفكرني بأمي!

أنا امي اتوفت قبل نتيجة ثانية ثانوي بكام يوم / أسبوع يمكن!

الفكرة ان انا دايماً بتخيلها لو عرفت اني جيت مجموع وكمان دخلت

الكلية اللي كان نفسي فيها، كانت هتبقى عامله ازاي؟!

سعيدة.. أعتقد!

أنا من أكثر الناس اللي شُفهم اللي فخورين جداً بفشلهم في مرحلة سابقة؛ على طول بقول اني كنت فاشلة وبسقط في الرياضة وحالتي كانت كرب والحمدلله الأغلبية كانوا شايفتي هبقى صاحبة كشك بالتقسيم على أول الشارع!

أزمتي الوحيدة مع فشلي ان امي كانت شاهدة عليه.. وازمتي الأكبر انها ما شاهدتني على نجاحي بعد كده.. وعشان كده أحيان كثير كنت بحس ان نجاحي ده مالوش معنى أوي لأن أهم حد نفسي افرّحه مش موجود عشان يفرح!

أزمتي اني كنت فاشلة وهي موجودة و"يقال" اني بقيت -بعتي- "شاطرة" شويه بعدها!

وتظل تلك "الفكرة" عالقة في نافوخي..

على أمل التخلص منها!

* * *

أمي: بصي يا حبيبي -ده معناه انها كانت ماسكة نفسها من انها تلتطشني بالقلم لأننا في لحظة تفوق في المعنى الاكسبر اليمية- إحنا لازم ندعي ونقول "يا رب اشفي كل مريض.. يا رب فك كرب كل إنسان.. يا رب أعطي كل محتاج.. يا رب اجعلي واجعلنا جميعاً من عبادك المؤمنين الصالحين.. يا رب ديم الرضا والضحكة على وشوش الناس ووشوشنا!"

أنا: ماما بس ده دعاء طويل أوي أنا محفظه ولا محفظ أبيات الشعر بتاع مادة العربي!؟

أمي: رحاب قومي.. قومي أنا غلطانة!

وعدت السنين.. ومن ساعتها ما حفظلش أبيات شعر العربي بس حفظت الدعاء ده وفهمت امي وجمال روحها ومعبتها للأخر اللي كانت عابزة تنقلهمولي من خلال فكرة اني بلاش اكون "أنا ثم أنا".. ادعي للناس وليك.. ادعي لعباده جميعاً اللي انت مهم ..

ومن ساعتها وانا بدعي ويا رب دايماً يتقبل الدعاء.. يا رب.

* * *

مؤخرًا في ناس كثير وأثناء كلامها عن المستقبل دائمًا بتكلم عن
"الأمان".. مفهوم "الأمان" نفسه!

إن مثلًا واحدة مش هتتجاوز عشان هي شايقة الأمان في باباها وهي
متأكدة انها مش هتلاقي نفس الأمان ده مع حد غيره وسياقات وأمثلة
أخرى!

الحوار ده تتكرر أكثر من مرة لدرجة خلتي افكر عن معنى "الأمان"
بالنسبة لي واكتشفت اني غالبًا عندي عدم إحساس بالأمان "مهيب"!!!

يعني ربنا يخليلي والذي ونأنا، لكن للأمانة آخر شعور بالأمان
الحقيقي حسيته كان مع "أمي"!!!

لأن أمي كانت هي اللي شايقة الليلة: ماتقلقيش يا رحاب "ماما
هتعمل"، "ماما هتصرف"، "ماما هتجيب".. الخ!

وبعدها انا فقدت معاني أحاسيس كثير في الحياة منها "الأمان" بل
وصلت للأسف لنتيجة سوفسطائية مهلبية تتلخص ان مافيش حاجة في
الدنيا دي اسمها أمان!!!

طول ما انت عارف انك هتخسر هتفضل دائمًا خايف مش من
الخسارة المادية بس لكن كمان خسارة ناس هما بالنسبة لك تعريف
لمعنى "الأمان"!!!

وعلى الرغم من اننا بنعيش وبنضحك وبنقع وبنعافر، بنحلم
وبنحاول:

اعتراف

أنا كل يوم بلا استثناء بفتكر امي: في لحظات بتعدّي عليا كده بتنج
واتوه في دنيا تانية: دنيا "هي" فيها موجودة بتضحك ضحكها اللي يتملا
الدنيا -حرفيًا- حياة: بروح أبص عليا من بعيد اشوقها وهي بتتحرك.
بتكلم ..

بتغني وتدندن أحيانًا..

أشوقها حلوة زي ما هي وبعدين في لحظة الاتي اللي بينادي بي "ايه
روحتي فين؟!".. أرجع ثاني!
اللي ماتوا ما بيخسروش على فكرة..

احنا اللي بنخسر بموتهم ..

بنخسر كثير ..

بنخسرهم والأهم بنخسر جزء من نفسنا!

وكل ما كان الحد اللي خسرتها كان أعز وأقرب كل ما كانت الجنة اللي
بنخسرها فينا أعز وأقرب!

أستاذ محمد الماغوط مرة قال "إن الخسارة الأكبر هي ما يموت فينا
ونحن احياء!"

والخسارة دي أحيانًا كثير بتستغي ورا ضحكاية عايشة على أمل
اللقاء!

احنا عارفين اننا في يوم هنخسر..

هنخسر شيء

هنخسر حلم

هنخسر عزيز

هنخسر الأمان

اعتراف!

أنا عندي أزمة شنيعة تلخص في الآتي: إني بضحك!!!

طبعاً اني بضحك دي حاجة كويسة بس انا الفكرة ان انا كان عندي
قناعة اني بعد اهي عمري ما هضحك.. يعني ازاي اضحك؟!

فعلياً بعدها على طول قعدت "اتخيلني" وانا شخصية كئيبة هادية
مايتكلمش بعد الطرف اللي حصلها.. تخيلتني كده وتوقعت اني
هتحول..

الأزمة بقى اني مابقتش كده. بالعكس انا بقيت اضحك أكثر من
الأول و ده ان دل على شيء إنما يدل على اني مجنونة- بهزر أكثر من
الأول: الحقيقة اني تحولت لشخصية مقبلة على الحياة والابتسام يمكن
لدرجة الجنون: بقى عندي إحساس اني نفسي اخلي كل الناس تضحك
وتحب الحياة وده على الرغم ان البعض ممكن يشوفه حاجة كويسة انا
كان بيضايقتي جداً لأنه ببساطة ده معناه اني مش حزينة.. مين الجيلة
منعدم الإحساس اللي ما يحزنش على امه؟!!!

وفضلت عايشه مع الذنب ده مع الفكرة دي.. وكنت كل يوم احاول:
اقول "رحاب انت هتبيي حزينة الهارده بطلي هزار وضحك" وكنت كل
مرة بفشل في المحاولة: عمري ما عرفت اتغير!

اعتراف

طول عمري كان نفسي ابقى شخصية "غامضة"!!!

كان نفسي ابقى ساكنة وهادية وما اتفهمش كده!!

ده طبعًا طلع صعب لاني شخصية واضحة جدًا -حتي وإن كان لي ردود
أفعال مفاجئة- لكن تقدر تقول كتاب مفتوح بالعة راديو بتضحك
وبتتكلم كثير أراني واضحة جدًا مافهاش لوح كثير!

الموضوع ده كان مأزمني أوي افكرت اني قلت لماما مرة "ماما انا نفسي
ابقى غامضة.. اعمل ايه؟!"

الست بصتلي بصة معناها حاجة من اتنين ١- "بنتي هيلة". ٢- "بنتي
عبيطة".. يعني نفس المغزى على ما اعتقد.. وسألتي "وانت عايزة تبقى
غامضة ليه يا روبي؟!"

أنا: "عشان ابقى مثيرة للاهتمام!!"

أمي: "وانت فاكدة ان الغموض هو اللي بيخلي البني آدم مثير
للاهتمام؟!"

أنا-بمنتهي التناحة والفلزكة:- "أيوة طبعًا ده شيء مفروغ منه!"

لحد اما قعدت مع نفسي كده وقلت ثواني "هو تفتكري عشان انت
بتضحكي ومنشكجيهه زي العبيطة فأغلبية الوقت ده معناه انك مش
حزينة على أمك؟!"

وكان سؤال وجيه.. أنا رديت على نفسي "أه طبعًا.. عشان الاقي صوت
عقلي ويمكن قلبي بيقول " مين قال يا بقرة.. بالعكس كل إنسان يعبر
عن حزنه بطريقته كل إنسان بيحاول يعدي الألم في الحياة بطريقته:
انتِ اخترتي الابتسامة وهل يا ترى في اختيار أفضل من كده.. انتِ اخترتي
الحياة ونعمة الأمل هل في أفضل من كده؟!

ده انتِ المفروض تحمدي ربنا كل يوم على نعمته انه اذاكي قوة
الضحكة والحياة.. ومش يمكن عشان أمك كانت ابتسامة وضحكاية
حلوة انت زيتها وشهها فدها!"
ومن ساعتها وانا بيتسم عشان زي ما قلت قبل كده انا خدت من امي
روحها وضحكها وهفضل بالاتنين دول متمسكة لحد آخر لحظة في
عمري!

أمي -حسيت انها متقلع الشبشب وتناولني بيه بس تراجعت عشان
أعتقد انها قالت مش هتخسر فردة الشبشب عشان عيِّلة جاهلة زي -
وعليه قالت:

"شوفي يا روبي انت مش محتاجه تفكري انك تبقي مثيرة للاهتمام
انت محتاجه تفكري انك تبقي نفسك بس. يعني مثلاً انت بالعة راديو يا
حبيبي. أنا بقولك بطلي رغي بس للأسف ده جزء من شخصيتك، انت
بتضحكي وتبتيحى اما يجلسنا ضيوف تقعدى تقلديهم الممثلين وتضحكهم،
أنا بقولك خليكي هادية بس انت طلعتي كتلة طاقة -ماشاء الله- بغض
النظر عن كل ده بقى وبغض النظر انا حابة انت تكوني ازاي لازم تتعلمي
انك تفضلي زي ما انت.. ما تخليش حد يفرك وما تتغيريش عشان
تناسي حد خليكي انت بهطلك ورغيك وضحكتك!"

أنا: ماشي ما اختلافناش بس انا عايزة أبقى غامضة!

خليتنا نقول ان الحوار انتهى لحد هنا لأن امي بردو كان خُلقها ضيق
وكده وانا زي ما هو واضح كنت "قُلة"!!

بعد سنين كثير تضمنت أحياناً محاولات مني اني "اسكت، ابطل
ضحك كثير.. إلخ". محاولات مني اني اكون حد غيري بس عشان اكون
غامضة..

انتهت المحاولات دي بأني لطشت نفسي كام قلم وخذت عهد على
نفسي اني افضل زي ما انا ما احاولش اتغير عشان حد وما احاولش
اخفي طبايعي ولا حتى عيويي -أصبح من نفسي ماشي- بس ما ابقاش حد
تاني.. إحنا مثيرين للاهتمام "بس" لو فضلنا أنفسنا مش نسخة من حد
أو نسخة من فكرة في عقولنا!

اعتراف

أحياناً ابقى قعدة مع نفسي كده والاقيني بقولي -أنا اصلي بكلمي
كثير أوي- "تصدقي فات ١٠ سنين؟!"

وانا اللي هو "يا دين النبي ١٠ سنين؟! ده عمر" ..

والأهم اني مش حاسه بهم!

مش حاسة اني خسرت امي من ١٠ سنين..

حساها امياح يعني: التفاصيل القصة الميلودرامية اللي زادتني
"قصة" .. كل حاجة!

أحياناً بقعد أقول مستحيل ١٠ سنين يا جدعان واسعة أوي.. ليه هو
انا كبرت أوي كده؟!

أجيب ورقة وقلم واقعد احسب تطلع بعد!

هما ١٠ سنين دول كمان على آخر السنة دي هيبقوا ١١ سنة!!!

كل السنين اللي بتجري دي وانا بتكلم عنها كأنها موجودة.. كل السنين
دي وانا بكتب عنها أكثر حد وكان كتابي دي "وسيلة" اني افضل فاكرة!
أنا كتيبها مرة: ان انا فاكرة تفاصيل التفاصيل بس أزميتي في حاجة
واحدة عجيبة:

أزمتي في "ريحتها"!

اجري أحط عيد ميلادي الأول على اللاب توب واقعد أراقبها وهي
بتتحرك، بتتكلم، بحركة أيديها وهي بتلعب فشعرها -اللي انا واخداها
منها- أراقب ضحكتها.. واحفظ تفاصيل انا فكراها!

أحفظ امي من جديد.. بس ريحتها هي دي الحاجة اللي مش عارفة
اميزها كويس..

أفكرها كويس!..

أغمض عينيًا واحاول أكثر.. هو انا فاكرة بس كأني مش طائلة
الذكرى.. قدامي بس كل اما امدلها إيدي تظهر انها بعيدة!

ساعتها بس عرفت انه فات ١٠ سنين بجد ..

ده يمكن أكثر كمان من حسابات الزمن والسنين!

طلع العمر بيجري وأنا ماكنتش واخدة بالي!

طلع العمر اكسبرس وأنا ماكنتش واخده بالي!

اعتراف

وأنا بحضّر للكلمة بتاعي عشان يوم الإبداع اللي فعالياته كانت في
الجامعة الأمريكية: قعدت اكتب قصتي المتواضعة: اكتب تفاصيل
صغيرة إنسانية وشخصية إلى حد كبير: لحظات عدت عليه ماكنتش
احلم اني امرّ بيها!

في وسط كل اللحظات دي لاقنتني بفكر تفصيله غالبًا كانت تاهت في
وسط زحمة الأحداث: بعد ما امي اتوفت أتذكر اني دخلت الأوضة
وقعدت ألم هدمي وهدومها!!!

هو انا مش عارفة انا رايحة فين ولا تعمل ايه بالهدوم: بس غالبًا
كانت التفصيله ترمز ساعتها "للرحيل" "النهاية"!

موت امي كان نهاية محتومة لي: ده اللي انا مش بس كنت مقتنعة بيه
لكن وصل لحد الإيمان، ببساطة لأن زي ما قلت أكثر من مرة وجودها
كان هو سبب وجودي وفجأة السبب ده اختفى من الدنيا يبقى انا
مايقاش لوجودي معنى وعشان كده لازم انا كمان اختفي!!!

التهارده اما بقعد مع نفسي وبشوف الدنيا بشوف خطوات ربنا
رسمها لي عشان يعوضني عن أعز خسارة في عمري..

كل خطوة بشوف فيها ناس بتبعيني وتحبني وهي ما تعرفنيش بحس ان
ربنا بيعوضني!

وكل يوم ببعدي علي بقول فيه الحمد لله: يقول "وَعَسَى أَنْ تَكْرَهُوا
شَيْئًا وَهُوَ خَيْرٌ لَكُمْ وَعَسَى أَنْ تُحِبُّوا شَيْئًا وَهُوَ شَرٌّ لَكُمْ وَاللَّهُ يَعْلَمُ وَأَنْتُمْ
لَا تَعْلَمُونَ" ..

الله يعلم.. وأنتم لا تعلمون!

الحمد لله اللي جعلني في حب الناس "عوض" .. ربنا يديمها نعمة
(الحمد لله:)

* * *

اعتراف

نازلة من يومين من عند جدتي لقيت بنت جارتنا ومعها واحدة كده
طالعين فقلت: سلامو عليكم وانطلقت!

بكمل نزول لقيت الست دي بتجري ورايا وبتقولي "رحاب إزك يا
حبيبتي والله ما عرفتكيش!"

انا اللي هو -مين دي؟! - بس في نفس الوقت في بشاشة في وش الست
فعدت اقول "ربنا يخلي حضرتك شكراً!"

المهم عرفت انها واحدة جارتنا من زمان أوي. أنا فاكرة اسمها كويس
لأنه كان بيتقال كتير بس مش فاكراها هي!

"أنا طنط هالة بس ماشاء الله يا بنتي انتِ نسخة من مامتك: انتِ
معدية من جني وانا حسيت حاجة قمت سألت آية مين دي قالتلي رحاب
بنت أيمان:

انتِ مامتك جدًا، بالظبط يا بنتي ربنا يرحمها!"

الفكرة ان انا لاقيت الست عينها بتدمع بجد لأن هي كانت تعرف أوي
أوي وبتحبا وانا بتلخبط في الحوارات فطول الوقت عمالة اقولها "ربنا
يخلي حضرتك شكراً شكراً!"

"والله يا بنتي انت عوضها.. صحيح اللي خلف مامتش يا رحاب..

الي خَلِّف مامتش!"

وبعد سلام انطلقت وقعدت افكر في جملة واحدة "الي خلف

مامتش" ..

معناها ايه!؟

إني شهبها.. امتداد لها..

فيّ منها!؟

الي خَلِّف مامتش..

انا على طول خايفة من النسيان ..

صعب ومؤلم انك تنسى شخص عزيز ببساطة عشان الذكرى بتبعد!

خوفي كان دايمًا اني انسى "تفاصيل" امي.. التفاصيل الصغيرة اللي

بتخلي للشخص معني وروح "ضحكته، صوته، ريحته" ..

كل اما الوقت بيعدني يخاف أكثر من النسيان!

بس ببعدين جت الست دي وقالتها

"الي خلف مامتش"

"الي خلف مامتش"

أنا غالبًا عايشة على أمل اني يكون فعلاً "الي خلف مامتش"!

اعتراف

درويش قال: أحن إلى خبز أمي!

هو في الحقيقة غير موضوع الخبز..

أنا بَينَ لريحة أمي..

لطيبة أمي..

لدعوة حلوة تحسسك ان مشاكلك كلها هتتحل لمجرد انها دعيتها!

لحضن تحس فيه بالأمان من الدنيا العجيبة اللي مليانة قرف

وأسافين!

لقعدة حكاوي عن كل اللي حصل وفضفضة عن خوف من اللي

هيجصل!

الواحد بيحن ويشتاق لحاجات صعب انه يعبر عنها بالكتابة أو

يقولها بصوت عالي ..

بيحن ويشتاق لحاجات عمره حتى ماعاشها ..

قدسوا "أمهاتكم" ..

فهن الجنة على الأرض!

الشفف والإحساس!

ثانيًا وده الأهم: اني مافوتش لحظة من غير ما اعبر فيها عن حيي للعزيز..

أقولها دايمًا بصوت عالي

عشان لو مش عارف يعرف..

عشان لو شاكك يتأكد..

عشان لو متأكد ببيقي أكثر تأكيدًا.. مش هسيب الزمن يحسسي في يوم

بالندم لأنني -يمكن- اكون ضيعت فرصة ماقلتش فيها للي بحبهم قد إيه

هما عزاز على قلبي ..

* * *

اعتراف

كنت قاعدة مع الحاج ابو رحاب وبعدين كنت بقول حاجة على غرار
"أه ماما كانت بتحب كذا": لاقيته سهم كده وسرح.. فيقوله بضحك
"مساء الخير!"

لاقيته كده ومن غير مقدمات بيقولي "عارفة يا رحاب انا أول ما سُقت
إيمان -اللي هي امي- حبيبها حسيت حاجة غريبة مع اننا ماكناش اتقابلنا
قبل كده ولا عمري سُفتها. بس من أول نظرة شدتن. ي هي اصلها كانت
جميلة -مش شكلاً بس- كانت فيها حاجة غريبة -طلة- تخض تاخذك
لبعيد وتحسسك انك عارف الشخص ده وتتمنى انك تفضل معاه طول
العمر.. كنت على طول اسألها "هو انتي اختارتيني انا ليه؟! ترد وتقولي
وهي بتضحك أوي "عشان جزمك كانت متمعة!" وبقوة ده افيه
مشوارنا سوا.. كل ندمي النهارده اني ماكونش قدرت أوصلها قد ايه انا
بحبها.. اد إيه هي غالبية علي وأد إيه هي حب العمر!!!
أنا للأمانة فضلت متنحة حبة وأنا بحاول استوعب الكلام ده لأن انا اللي
اعرفه ان ابويا مش رومانسي أوي -في المطلق- ..

وعشان كده كلامه خضني من فرط صدقه: حسيته من قلبه وعشان
تكون خلاصتي في النهاية حاجتين:

أولاً: اني بحلم الاتي حد يحبني الحب ده.. يتكلم عني في يوم كده.. بنفس

خاتمة

أحيان كثير يحس اني ما بعرفش اكتب!

بحس اني كيس جوافة كبير وان نافوخي غير صالح للاستخدام
الآدمي!

ده إحساس صعب -لن منكم ماحسوش قبل كده ربنا ما بوعدكم-!!!

بس المشكلة عندي اني وجدت في الكتابة "ملاذ" من أحداث سيئة
كثير مررت بيها كانت هي "العوامة" اللي بتنقذني!

فلما يحس اني مش عارفة اكتب يحس ان في حاجة غلط إن قلبي
بيتاخذ وروحي بتروح..

وكل اما احس كده بعرف قد ايه الكتابة مهمة بالنسبة لي كل مرة
يحس بأهميتها أكثر. بخاف أفقدها!

هو ممكن واحد يقوم من النوم مايعرفش يعمل حاجة هو بيحبها
وبيعملها عمره كله؟!

السؤال ده بيرعبني..

السؤال ده بيعبّر عن واحد من أكبر مخاوفي!

* * *